

# Atur Naka Ekanisa Loka Sumuruna

Jeffersonville, Indiana, U.S.A.

60-1206

1 Papa loepol asianut, iyalama isio noi atibong na ajenun ebe kotoma otunganane kosi loetwani, kijasio ka Aijar. Aijar naka Edekekosi nabu kotiakatiakaun kede angajepa nuka akim kosodete aisinepikin neejai nginidiopet kangul, kosodete kes aileleb kede Emoyo Lokalaunan kwape ainakinia kes Emoyo einer. Wuu Papa, eipone lokisialamikitor isio Ijo ebe abu Ijo kotiakatiakaikin akidingos naka Ekanisa. Komam abunokin abala Ejakaitikosi ebe, "Kapak kangin ijenunete ebe ajai Eong toma Papa, ido Papa da kotomaKang, Eong da tomakus, ka yesi da tomaKang." Eipone lokiboio Edeke lokotoma Akuj akidingos naka Iketunga! "Ipak edit mam bobo akwapin kaanyunete Eong, konye yesi kianyunete, naarai ajaun Eong kayes, tomakus da kiton awasia naka akwap." Anatar nginitur kere naka ekanisa abeit Ijo ajaun, nges ngopengol bian, lolo, ka ikar kere, ido ebe ibuni do isio ajenun Ijo kede aswamisisio nuiswamai Ijo. "Etupanakinete aanyununeta nu ngul luiyuunete."

2 Ejakait, kiseseni-kiseseni akidingos naka aturio, iburit akwap apak adaun kosodi kolomuni Aijar Namam Edaun. Papa Edeke, iyalama isio noi ajenun ebe ijari isio kotoma otunga kangul idis lolo; kanhicakinitos aijarakosi ka asesen kanginilosikinet nakijaar isio, apeleikineta nukijaar isio, ka asesen ebe ekama Emoyo Lokalaunan. Edeke komisiik nginitunganan yenejai Akonyen nuka Edeke atibong na aturio nu nukijari isio kotoma kosodi akerit katipet Ejakait Yesu, naarai iwadikatai kaidelal, ebe, "Ekiroro loka Ejakait nges etogo loegogong, loekerete ikadolitok toma kosodete ayuar."

Wuu Edeke, kobua atibong na kosodi ainyonyokin etunganane kosi, Ejakait. Koyangau ikejobirak, Wu Ejakait, luigurwokina; kosesen amerekekin nukican, Ejakait, mam ejenete nuebeit aiyuun; ejaas aiworoeta nuka ikacokiok nginiboisit kere. Kilipit, Papa, ebe epupunete kesi Ekekotion ngol lokapolon loka esipan, Ejakait Yesu, kiner Ekemoyo Lokapolon atibong na, kobala ebe, "Ikakoku, kobua mamakang ido kainakini ijo Asabato, Aiyengum naipucakini ijo neejai angetalinet naka Aijar Namam Edaun." Mere araut loiriangiranga kotoma akwap kwape kisesenia apak ejai adaun kwana. Koinakinai ngin, Papa. Kiner kotoma oporoto, kopup kotoma aki nuka ngul luepupete, naarai isio kere kijai aipup. Kokiror loka Yesu kilipia. Amen. Ipedorete aiboikin.

3 Kwana, atibong na ijai oni aisisia kotoma atur nakiareit. Aseseni eong luipu kakesi iwadikaete akiro ka iboro, ido ngin nges apolou akotor eong aitacaunit na ngolisawa.

Kwana, atur nakiareit naka ekanisa anyaritai atur naka Sumuruna. Ido abu kojaun, Atur naka Sumuruna, aponi kitolomunai toma kotoma apakn kangipekangin nangetakinor Atur naka Epeso. Atur naka Ekanisa loka Epeso arai anyoun okar 55 akaulo naka atawanare naka Yesu kiton okar 170 akaulo naka atwanare naka Yesu. Atur naka Sumuruna elomuni toma kokar 170 kolosi kiton 312. Erai lo ekanisa loereitai; loinapit aboko naka lukalaunak luaponi koarai, erai ekanisa loka ereo. Ido aisumunet naka Edeke neejai ngol, neejai Ekanisa loeseunitai kotomake, arai aiankin aboko naka Aijar.

4 Ngolikanisa ajaatar aacerit naatingitai kakan naka Edeke, naetodiari "ekiyakia" neejai atur ngin naka ekanisa. Lokajokan kakere loapedori eong aitung nges ekiyakia loka atur naka Ekanisa loka Epeso (Naarai mam Ebaibuli elimunit luaraas kesi) arai Paul; naarai ngesi asipokini ekanisa loka Epeso ido arai ejaanakinan loka atur naka ekanisa kangol; loabu koyangau Aica neejai Ekanisa, loabu Yokana Lokalaunan ikama anyoun kanen. Kosodi do Polycarp atupakin, kolosi ngaren...atemasi, Polycarp, kolosi ngaren.

5 Kwana Atur naka Sumaruna eyuunit eong kede kere...ebe apedo eong ajenun, arai Irenaeus. Ido kwana akoto eong ainakin yesi apolou nainakini eong aseuni Irenaeus aiboisit naka Polycarp. Kwana, luipu kotoma otunga lukaplok luka ediini ekotosi aomoom ebe (ka ikesisianakinak luka Ebaibuli) ebe arai emalaika ngol Polycarp. Polycarp arai ekesisian loka Yokana Lokalaunan, abeit ngin. Ido abu Polycarp ipucak...arai ngesi-ngesi loaponi koarai kanuka Eijiri, aponi kicumai nges cut toma otau kosodete aiyar nges. Kwana, konye arai ngesi etunganan lokaumokin, etunganan loajenara, etunganan loayongit Edeke, loajijim. Komam abunokin ediopet kotoma Okristayon lokaumokin kakere luijaunar oni. Ido amamei ibore yenipedori ijo alimun aitoronia akeijar.

Apolou nainakini eong aseuni Irenaeus: naarai eyuunit eong ebe ayapie noi Irenaeus kaneejai Naiwadikaere adepar Polycarp. Naarai Polycarp agongakina nepetai bala neejaas aomisio nuka Iromayon nuka asipokin erionget. Ido-ido etoronit Irenaeus ngin kagogong kere, abu ngesi cut kitepeg ngin. Kosodi do, kwape kijenia oni kere, ajai ibore yenapolon abunore kotoma Airiamun naka Nicea; idiopet kotoma oboro lokapolok arai ebe arai tope arai Edeke iuni araibo arai Edeke ediopet. Kosodi Irenaeus ayangar ewai ebe arai Edeke Edeke, kwana, ediopet bon.

6 Apedori eong aisiom eitabo loenyaritai Ante-Nicene Fathers, Eitabo losodit, apapulai 412, itakunet idio bon; arai ikoto ijo aiwadikaikin ngin kwap Eitabo losodit loka Ante-Nicene Fathers. Ido kotoma apapulai atomon ka luaarei, ido erai e...Arai kibu ijo okoto eitabo, erai atutubet nakawasia naka eitabo lokiuniet. Ipedori ijo aisiom kere; ejaas isulai luipu loka ngol, arai ikokoron luipu. Kwana ageuni eong aisiom cut kawasia-cut kokokoron akaisaarei, akaisauni lukawasia luka ngol. Mam eong abuni aisiom ngin kere, konye atutubet bon naka ngin:

"Aitetemununeta ace kere kwape kwangin etunganane...itolomunito emaetait loka ediofet ka Etunganane ngopengol;" (Itei ijo, etamit ngesi alimun loanyaritari Nges, 'Papa, Okoku, ka Emoyo Lokalaunan; kosodi ngesi atemar, "Eraas ngun imaeta, mere ikiroria, imaeta luka Etunganan ediofet." Ngupengun cut becebec kes nuisisianakini oni lolo.) "Kwape nat, aanyunet" (Kosodi do kotoma aitetemunet) "(kotoma Amusugun), Edeke Lokapedor, Ejakait Edeke loka kere, Edeke Lokapedor kere, Loikiara kakere, Ekasuban, Ekeswamaunan, ka iboro kwape kangul. Mam lu eraas ikiroria ka imaeta luka aitupanakineta nuka itunga luegelegela, konye nuka ediofet ido ngopengol," erai...Nges-Nges loerai iboro ngul kere...ainakin neejaas ngul kere...luka ajaut, ejautene kere loka ajaut."

7 Ebalu Irenaeus ebe "Imaeta lu kere imorikikinitai toma Okiror ediofet, kokwap naka Edeke ediofet, ido eraas bon ngun imaeta luka loerai Ngesi." Arai Ngesi Aturot naka Sharon. Ngun kes loerai Ngesi. Erai ngol emaetait. Arai Ngesi Aacerit naka Atupuruc. Arai Ngesi Alpa. Arai Ngesi Omega. Arai ngul imaeta luka loerai Ngesi. Arai Ngesi Papa. Arai ngesi Okoku. Arai Ngesi Emoyo Lokalaunan. Konye ajai Edeke ediofet bon. Edeke ediofet, ido Ekekiror erai ediofet. Ngin nges apolou adiofet naomitor eong ebe adolit Irenaeus kotoma-kotoma aingicike kane, arai eijule loka Naiwadikaere.

8 Icebore yenepuda eong asiomakin yes, ejai toma oitabo loenyaritari: Eipone ali Eswamaunor Ngin? (How Did It Happen?) Erai kanuka ikewasikak akiro nukolo. Ido eitabo loenyaritari, Eipone ali Eswamaunor Ngin? (How Did It Happen?) Loiwiadikat R. C. Hazeltine, ka akiro nukolosek nuka ikanisan lualingakinete. Ido kane kotoma apapulai 180: "Ainakineta nuka Emoyo kotoma Irenaeus' Apak, okaru 177 akaulo naka atwanare naka Yesu kiton 202." Kwana, apolou najaar eong atakunun nu, ejai alosit toma atepu, itei ijo, ido eponio alemun kotoma otabon:

"Arai kotoma apak naka Irenaeus nges ajaatar noi ekanisa loka Ikiyokia loka France kede ainakineta kere nuka Emoyo Lokalaunan." Arai ngin nalomuni kaneejai akesisianakin, itei ijo. "Irenaeus' imeeban luka ekanisa loka Lyon," erai nen Lyon, France, "Eneras ka angajepa. Mam arai ibore yenimam edila aanyun itunganan yenatwan ejaruni. Aitangal-aitangal arai aswamisioit naka nginipaaran kotoma okanisan kere lualimonokinete...lualimonokinete kanginiboisit kere." Ebe ajeni Irenaeus nuabeit aisisianakin! "Nukapedor atuputupas. Kotoma abeit, mam ikanisan ajaas komamei aitodiaret naka nukapedor nuka ajakut naka Edeke arai kotoma aitapoet, atodununeta nuka iboro luka esube, kotoma akirot nakapedor, kanu aisiitun Ikristayon luka alimonokin naka apak kangin, ebe araas kesi ikiyokia luminan. Konye kotoma akiro nukolosek nuka apaarasia nuatuboros, mam oni ipedori agipar adiopeboisit naka aitajarun lukatwak kotoma okanisa losodit loka Iromayon."

Eraas ngul itunga lumam...mam ipodokitos iwaitin iarei kere, inerasi bon kesi abeit. Eraas bon ikewadikak luka akiro nukolosek.

9 Ngun nges aomitor eong ebe erai Irenaeus, naarai itei ijo, ajaatar ngesi aiyuun ngipengin najaatar Paul ka ikiyokia kokwap kalaije. Ngin nges apolou...eyuunit eong ebe arai ngesi emalaika loka ekanisa loka Sumuruna, naarai arai ngesi...ajaatar ngesi aisisianakineta ngupengun Nuiwadikaere; ido aisisianakineta ngupengun Nuiwadikaere kotoma apetetait naka Akirot naka Edeke itolomunete ibore ngipengin apak kere. Arai bon ipedo ijo kapatan ayangar einapeta nuka Edeke kosodi aitup kiton enyukuta, mamace nuebalas ikanisan, kotupak koipone kalo abalar, ebuni aitolomun ibore ngipengin. Ido ngun kes abu Irenaeus iswama.

10 Kwana, aomit eong ebe arai Polycarp etunganan lokajokan, ejeni eong: konye abala eong ebe agongakina ngesi noi neejai ekanisa loka erionget, ido kwape keswamata Inikolain. Ajaas kesi aitarau ekanisa erionget, ka-ka aisimorikin einacene nepepe. Naesubit bala erai aomisoit naejok kotoma aoomoom, konye, itei ijo, Emoyo elwana noi kaneejai aijen kiton...mam ijo ipedori karaida aoomoom ejok neejai-neejai Emoyo. "Akaomisio nuikiara ikiara adepar aomisiokus," Ebalu Edeke. "Ikarotin ikiara adepar ikusirotin." Aso ejai eipone ediofet bon loka aswam ngun; kotupak Nges atupakin kede ikukut. Edolit ngin.

11 Kwana, ipedori oni aomit, korai ti ijo kojai alosit anyoun kane...Korai ti eong ajai alosit Chicago atibong na, apedori eong alomar kinga ngina kosodi alemun acuma naengicere eswai loebeit alosit, kasodi atemar, "Kwana aanyutu ber oni, esipo Chicago cut kowai kalo. Eebo, abuni eong anyoun." Mam eong adokuni ko Jeffersonville. Ianyu? Ejai eong adumun amaapu naka erot. Ido ejai-ejai apetetait...erot epesikinitai loapedoria eong alosit Chicago kotoma osawan ikanykape arai ikanykaarei luka alosit kede emotoka, konye mam eong apedori aitub ediorot. Mam edege epedori aitub kediorot; ajaatar ngesi e-erot loka edege arai adoketait ace naka aikiara ka iboro luebeit nges aipor, ka idigurin luka amwanis ka alilim luebeit nges ajaut toma.

Ejai erot loiswamautai, ido ajaatar Edeke erot. Ejaatar Edeke ewai kanuka Ekekanisa, kanuka Iketunga. Ido mam Nges epeleikinitor Ngin araut naeyaitai luka ipaapa, cardinals, ikaanyanarak, araibo ikaanyanarak lukapolok. Emoyo Lokalaunan nges Ekaturoron loka Ekanisa loka Edeke lokajaran, aitopoloun Ngol. Ido alaunit kere mam elosi neejai cardinal arai esasedoti, ataraun ngol etunganan lokalaunan kotoma-kotoma okanisa, idiobore. Ejaatar itunga luamameotor adoketait okanisa apedor kwape...apedor naepol neejai Emoyo Lokalaunan kwape ekalimonokinan, ecokion, edikon, lomunot,

kaiceda kere. Luemamei adoketait!

12 Ido apolou naenyaritere ngin Iniko-lain...kwape kipou aanyunatar akuar natubor, Inikolain, kipou oni abililikata akirot kasodete alemun kotoma Ayonanin. Ido N-i-c-k-o, arai akepolou...Nicko, erai akepolou "aipikor arai aibiror." Inyo? N-i-c-k-o, Inikolain, luemamei adoketait. "Aipikor luemamei adoketait okanisa," kosodete aibiror ngin koipone loka ainakin kes aicorakinet naka itunga, itunga lukapolok luapote aisisianakin ido apote...apote aisimorikin aomisiokec kere nepepe. Kwangin nges aponi kwabwaikiner Airiamun naka Nicea. Naarai apotu luipu kimorikikinos nepepe. Kosodete asipokin ainapetait kotoma Airiamun naka Nicea. Mam oni...mam oni ikoto einer nui pu noi kotoma ngin, naarai erai ngin akuar naka Nakiwongonet, kotoma Airiamun naka Nicea.

Konye ngina nges eswamaunere Ekanisa lokaIromayon loka Atulik, kotoma atukos naka itunga luaraas ikeyuunak luka Paul Lokalaunan, ka Irenaeus, ka Martin Lokalaunan, ka alosit ngaren. Araas kesi Ikristayon luebelokina neejai e...anyoun kokapirione kiton neejai Ekristayone, konye akotosi ainyakar Ekanisa airiar toma aijaanakin naka eipone loka Aitutuket Namojong, bala kwape ajaut kede Isasedotin, ka-ka aburonokinio naka ikiyakia, bala kwape ipaapa ediopet kiton neejai loce, ipaapa ece. Korai ti oni apedorete alosit aitor toma Obaibuli, ti ijo kijen ebe erai ngin cut abeit becebec ido eipone loetoronitor Edeke ibore ngin anyoun ageunet; ido atur naka ekanisa naka akuar naka bian, abala ebe, "Alait ngin!" ido kwape kwangin alaitor Ekanisa da.

13 Mam cut Edeke elosikinitor Ekanisa araut loeyaitos itunga. Edeke nges eyait Ekekanisa, ido eyait Ngesi ngol kotoma ainakinet nuka Emoyo. Ainakinet nuka Emoyo kotoma Okanisa neejai emoyo lokabeit. Ejaatar Ngesi ayapeesin ikany kotoma Okanisake. Lusosit kakesi kes ikiyakia, arai, ikalimonokinak luyakianaro. Ikiyakia luyakianaro nges aijaanakin naikiara kakere, ekiyakia. Akirot ebe ikiyakia erai akepolou ebe "loijukaritai"; ekiyakia akepolou "loijukaritai." Ibore yenainakini kes eseunete mam nyarao kwape ekalimonokinak loiyakianaro (Misionary), mam eong ajeni. Konye eraas kesi ikiyakia. Eebo. Ikiyakia, inabin, ikesisianakinak, ikalimonokinak, ikecokiok. Kwana, eraas iyapeesin luseuna luka Edeke neejai Ekekanisa..

Kosodi do kotoma kangolikanisa kwape ediopet ejaas ainakineta akany nukomoyo nuepote akidingos naka itunga, kesi, aijen, acoa, ainakineta nuka aitangal, aswam nukaumokin, einer ka angajepa, aijul angajepa. Ido iboro lu kere elosete neejai nginikuan ediopet naka ekanisa. Ido nginitungan kotoma okanisa ejaatar kede aijaanakin adiopet, ido aijaanakin ngin adiopet eupanara kede aijaanakin nace kere, kanu aisinyikokinitor Akuan naka Yesu Kristo. Ido mam cut...

14 Kwana, kiitu nuta, ebe ejai ne...Enomakini eong ikokoron lu ne atibong na. Ekanisa losodit, Epeso; Sumuruna, Perugamo, Suatira, Sarudio, Piladelupia, Laodikia. Kwana kiitu ebe kwape kelosito nu ngaren, ajaatar ekanisa lo aileleba naka Emoyo, konye kotoma angeset naka atur naka ekanisaidumuni oni ebe ajakai aicikar Ngin kinga. Atur naka ekanisa natupakini iyatakini mot; iyatakini mot, kiton na, ajai do ilimakinet idio noi. "Ejaas ijo akiro adis," abala Ngesi. Oo, kidolok oni Atur ngin naka Ekanisa loka Suatira!

15 Kwana, akaulo naka ngin abunore, abu Edeke kitonyou etunganan loka Germany loarai ekekiror Martin Luther loabu kijanga Ekanisa ainyakar bobo. Abu kogeu bobo mot mot, abu ngol kolimonok Aitojokio; Kobuni John Wesley kosodi alimonokin Aitalaunio. Kosodi do kotoma atur kana naka ekanisa, apotu kesi kobongutu cut kiton neejai aibatisao naka Emoyo Lokalaunan bobo, kede aanyununeta ngupengun ka nukaumokin, epote cut kwap. Ne nges neabu kolosio aitor toma okar elukumit akwatakany luka Aturio Nukamuton. Ido nen nges amutono kakere. Arai apak naka ekanisa loaj kakere nakijaunar oni kotoma aturio kere naka ekanisa. Ido ne nges negeunia alomun, Aitojokio, Aitalaunio, Aibatisao naka Emoyo Lokalauna. Ido abala Ebaibuli ebe, "Kotoma angeset naka atur kana, idis lu eponio aridakin naarai ekanisa ngopengol loka Pentekosit ebuni ageun aswam ibore ngepengin yenapotu ngul kitegeasi kokau kane, Inikolain." (Wu Edeke, ber eong agolok akaituk kiton neadolokina eong nen.) Itei ijo? Ibore yenaseseni eong kanen. Itei ijo, kiton nekipedoria ijo angoliar ne. Ido etodikini eong yes ebe ekiyakia loka atur naka ekanisa kalo ebuni alait idiinin. Itonyouni Emoyo kotoma odwe. Erai duc kwangin. Ido kwana kijaar oni e...

16 Kwana arai kimisiikis yesi nu, eipone loapolor Ngin noi kane, abu kolot kinga, kosodi awasia abu iputa Ngin kere awai. Kosodi ageun abongor. Abu Luther kiriu Ngin ainyakun, Aitojokio; Aitalaunio; Aibatisao naka Emoyo Lokalaunan; kosodi do cut awasia naka apak, iputari ngesi Ngin cut adaun, kiton neeyapikinitor Na angetakin kere, ejai idio yenedit noi ideuna, ido nen nges ilulukina ngesi ebe, "Arai mam Nges ituriani aswam kanuka Luseuna, emameun akuan naitajario." Ianyu? Ikoni nen, cut awasia naka apak. Kwana kojeni ngin kotoma adam.

17 Kwana ilosi oni egeun kotoma Atur naka Ekanisa loka Sumuruna. Nasodit akoto eong ber eong ebilibilikin ngin kwap ne apapula na-najaatar eong. Kwana, Atur nakiareit naka ekanisa kwape eraar Sumuruna, ido eyuunit eong ebe icamanaros yesi kere keong (arai amuno eong ebe iswamaete yesi ngun, arai atutubeteke, kwape kwangin) ebe Irenaeus nges arai aacerit naka atur naka ekanisa kangol. Arai ngesi ekiyakia loka Edeke naarai abu ngesi kopia akwap, kiton alomar France (Gaul), kokwap kotoma kangina, kosodi ngesi asiponokin ikanisan, ido ngolidiopet kakesi aponi kosipokinai toma aibatisao naka

Emoyo Lokalaunan, einer kotoma angajepa, aitajarunun lukatwak, aitangal lukadekak, aitobwounun idouon, ka aswam aswamisio nukapedor nginipaaran. Ajenete kesi ebe ajari Edeke lokajaran kakidingot naka itunga. Arai ngol etunganan loka Edeke, naarai abala Yesu, "Emamei itunganan yenepedori aswam..." Arai, abalas itunga ebe, "Emamei itunganan yenepedori aswam aswamisio ngun dimikito ejaas Edeke kanges." Arai Nikodemo nges abu kolimok Yesu ngun.

18 Kwana, eibuga loka agwelanar; aiboisit naka agwelanar neejai Lydia ka neejaas luka oto. Eibuga lokiuniet kapolou ko Asia, eibuga lokapolon loka aswam. Loajenara kanuka abar, iyekalun, adukena, isomeron, ike ka science. Eboiete Iyudayan ko Sumuruna, ido alimonokinete kesi neejaas itunga luka Sumuruna. Polycarp nges erai ekaanyanaran losodit lo Sumuruna. Abu Polycarp nepepe kede icebulesin lumunon kosipokis aiyuun naedul naka Edeke neejai ikeyuunak luka Sumuruna. Lukapapa lualingakinete apotu koinakis aisinyikokinio naka Abeit neejai Sumuruna.

Atur naka ekanisa loka Sumuruna, ekiror loka ekanisa arai Sumuruna, Sumuruna, atemas, naerai akepolou "adwaris," emina loimukere awat nuatwak. Iswamanara kede lukatwak, naarai ajaas kesi atwakare.

19 Ekanisa loareitai, abu Edeke konyara kes "luereitai." Abu Edeke kongolia areokec, kosodi ainakin asianut atitingikin ngin. Abu ngesi kosesen akeitaneta, kosodi ainakin kes aipikor atwanare. Abu kongolia icanikec, kosodi ainakin kes abar kotomaKeng. Abu ekanisa loka Sumuruna itor toma oupa loka akim naka aiticaneta, konye, arai asakat naeur maa mamaKeng. Erai idis ngul kwana, mere ekanisa kere loka Sumuruna; atongot bon nges enera eong nukec. Apaarasia atomon nukapolok nuka ican luipu akepolou "ikar itomon luka areo naeleleba aokot kakere."

Mam eong ajeni arai apedori eong elimunun anyukutan nuka ekiror kalo, arai alimun ngol, araibo mam. Arai lo ekayaiton kotoma apak kangin, ecamunit eong ebe arai naapotu aokot kolelearatar kakere kotoma ngun kere ageun Nero koker 67, D-i-o-c-l-t-i-a-n. Kotoma okar loka 303 kiton 312 akaulo naka atwanare naka Yesu.

20 Isinyikokit Edeke Sumuruna araut lumunon kiton atwanare, kwape araar Ngesi, "Ido ainakini yes aboko naka Aijar, kwape kainakinia Papa Eong." Ido abu Edeke kisumunik ikapikoron (kotoma ocan luipu) aipikor atwanare nakiareit, "Sirikuriaka ngul lueaarete akuan, konye Ngol loepedori amudiar emoyo, arai, aiar emoyo." Ngin...Abeit itunga luka Sumuruna atitingikin kiton awasia, "Sirikuriaka itunga, ido aboko naka Aijar eponi ainakin yes." Areo naka Ikristayon kotoma aturio itupusitai kotoma aturio nuka ekanisa, nuka Sumuruna, epol ajokis noi. Ibuni oni akotokin adolokin ngin kotoma apak naedit, arai kitojokit Ejakait.

Kwana, arai etwakiasi ice kotoma kayesi ace kotoma kanu kwape...arai ewadik eong kes kaisuburikit kanuka atukot kere, kwangin ibuni do oni...ijai isio...ipedori ijo cut kaitebeikin adumun ngun kanekosi apak adio kere naikotor ijo, ibuni aiyalama kanu-kanu ainakin ngun neijai ijo. (Kitimoi.)

21 Kwana kotoma osula lokiareit ido ekokoro lo 8, igeuni atibong na. Kwana, inyobo kipou oni ajalakiniaata Nges kotoma akuar natubor? Kwana inyobo iswamai Edeke? Ibore yenebeit ber oni ajenun nasodit? Apukokinio naka Yesu Kristo, Loerai Ngesi ka nuerai Ngesi. Kwana ibore yenetupakini yenapolon, ijenuni oni ebe elait Ngesi idiobore yenibwaikini idiobore aiya Ekekanisa kilema Nges Elopset. Erai Ngesi Edeke loka ekolo.

Eipone lokepudar eong abwoun, naarai kijaar oni ikokoron iwongon bon ne, kanu asiomun ibore idio. Imwaasi bo ai epedorete aitun apak nabu enabi lokajokan, Samuel, neabu Isirael kere okotokinor aswam kwape akwap kere? Kiitunitos yesi ngun? Kosodi enabi alimokin kes, ebe, "Idiakaritos yesi!" Konye akotosi kesi aswam kwape Ipilistian, ka kwape kaluce kere. Eebo, ngun cut becebec kes apotu kiswamaunos kotoma atur kanapekana naka ekanisa. Erai naitegelikina ebe mam itunga ekotosi Edeke aingarenikin kes. Ekotosi kesi atupit...ekotosi kesi icetunganan. Israel, abu kiswamau aibucaret nakapolon kakere naiswamautere, neabu...Abu asianut kodaunite ainakin kes enabi, engarenon, ainakin kes imerekek kwape alucet, kosodi ainakin inyammat lukotoma Akuj, ka iboro kere lukajokak luabu asianut koinakite kes, ido, kotoma Anyoun 19, aroko kesi akotos ekisil. Akotosi kesi aitolomunun luesiomitos noi akiro nuka ediini, kosodete ajaun kede icetunga, akotosi ajaun kede icebore yeniswaman kotomaKe, da.

22 Etamit duc etunganan acoun adepar Ekasuban Elopset loabu kosub nges, mam nges iswamai idiobore dimarai ai akekuan. Kwape Asabiitin adis kau abu eong alimonok nuikamunito e-Ediini Loeropunitai. Ido ikoni nen cut bec. Kirop ijo idiobore, mam cut epedori...adaun! Angetakin, mam epedori abongun bobo. Mam anyubu epedori aurun anyubu, naarai erai ngesi-ngesi anyubu, inyalunitai. Mam ijo ipedori aitolomun emudunga lokajokan kotoma omudunga lokajokan loeropitai. Mam epedori karaida...Epedori aticepak alomun, konye erai-erai, oo, emamei ajokis cut. Mam ijo ipedori aswam ngun. Idiobore yeneropitai mam ejok.

Ido ediini loeropunitai emamei ajokis! Bon ebe ijai ijo atamit aiyatakin icebore neejai nuabu Edeke kolimunito, arai aswam idiobore yenimam Edeke ekoto ijo aswam, erai ediini loeropitai. Epedori kosubite bala ejok. Oo, araibo emudunga loeropunitai elai adepar emudunga loesubunitai. Anyubu iswamai adepar

asigirian aarei. Eebo, erai nen...Mam iswamai, onac, erai asianut nges kitajaritere oni. "Mere kanuka aswamasio kes kitajaritere oni, konye kanuka asianut." Aso aticepak epedori ngin...Amuno eong ebe mam yesi ipote aomit alimununeta nu...Iboiete yesi-yesi kokwap naka aridakina, ido apupi eong-eong kokuju kane. Itei ijo? Naarai ejaas luka Presbyterian, Methodist, ka iponesio kere toma ne. Ijeni oni ngun. Ido kwangin apupi eong-eong. Ekoto yes ainapakin mot apak edit, aijangar ngin awai, kwangin.

23 Kwana, kopupok. Idiobore yeneropitai mam ejok. Ekoto ayangar ibore yenegeunet, eipone loabu Edeke kosubia, akepolou kidum do ijo ibore yenerai ibore ilopet.

Kwana, idumuni do oni ebe ekanisa lo loka Isirael, kwape katuborotor kesi, abu Edeke kitan kes, kosodi aidar kes, ka aswam idiobore kere kanukec. Ido awasiake apotu kongoliasi Iplistian, ka Imorain, ka...ka luigelegela, kosodete atemar atiar, "Ikoto isio ekabaka! Ejaatar ngul ibore yenikimameotor oni."

Ibore yepekesawamata itunga lolo. Idiopet kotoma kanu, ainacanawok, esesenete esinema kosodi angoliar Gloria Swanson, arai idiotunganan kesi...ace kotoma angor kangun naenapit eiponece loka anapito, ido mam kes epedorete atitingikin kiton nakedumunatar ngol. Ianyu? Itei ijo acengor kotaun, "Oo, mam kereka ngin ibus?" Inyobo ipodokinitor ijo luenapit ngin? Itunga, ikote kesi nen, abu eong atema atiar erai apak naka-naka aituput, ikoto itunganan aituput yenice. Kilem ijo e...Ejaas luka Elvis Presley luipu kwana, alimokini eong-eong yes, mam ijo ipedori ainapanakin kes omotokan luka aboogin, naarai abu ngol koraun loejenara kotoma akuan...aituputonoreta!

24 Kijaar oni ibore ngipengin kotoma odiini. E...ajai eong aisiom akiro nuka Martin Luther, ido idio kotoma kayesi ikesisiak akiro nukolo ijenete. Abakai ebe arai ibore yenesumwoikit ebe apedori Martin Luther aitepeg ekanisa loka Atulik kosodi aiku kanuka ngun, aiyeyea nakapolon kakere, ebe apedori ngesi aitenar akekou atitingikin akiro kere nuapotu kotipakis aisikwarunioke ido oroko esalakinit kede Akirot. Erai ngin akirot nakaumokin, eipone loabu Edeke kidaria nges kocai ido kitenara.

25 Kwana, aso apotu kesi kopotu neejai Samuel. Ebalas, "Kodumakinai isio e...Kodumakinai isio e-ekabaka." Kosodi Ejakait alimokin ngol ebe angerit Ngesi aomisioit ngin, cut becebec nuabu Ngesi konger kede iriongeta.

Bala kwape abu Ngesi kongerio ngun, angerit Ngesi iriongeta. Mam nges engerit isuban, konye erionget. Isuban, ebeit oni ajaut kangul. Konye erionget mam ebeit oni ajaut kangol, naarai ibwanakini ikoruon: "Irai isio luka mutan ka mutan." Ijo irai Ikristayot? "Arai eong loka Methodist." Ijo irai Ikrisayot? "Arai eong loka Baptist." Mam ngin erai idiobore adepar epege kotoma aipany. Emamei ngin ibore yenebeit aswamanaror ka Ngin, mam cut. Ikristayot!

Abu eong kengit apese akuar adiopet, kotoma kolutaari, "Ijo irai Akristayot?"

Ebala ebe, "Inyobo, ainakini eong ijo amisiikin ebe, enokenenei eong atala nginikuar." Kosubite do bala ajaatar ngin idiobore yeniswamanara kede Ekristayone!

Abu ecetunganan kotema atiar, "Eebo, arai eong etunganan loka America. Ejok cut!" Eebo, emamei ngin ibore yenebeitor aiswamanaror kede Ngin, emamei idiobore. Irai ijo Ikristayot naarai irai ijo yenika Akabakanut ace. Edolit ngin. Ido ijai-ijo toma Akabakanut ace, nakokuju.

26 Kwana, inyobo abu Samuel kiswama? Ibore ngipengin cut yenabu Edeke kiswama kane. Abu Samuel konyarau Isirael kere nepepe, ebala ebe, "Kwana, kopupokisi eong. Akoto eong aingit yes icebore. Ejaunar cut tope apak adiopet nabu eong alimokina yes idiobore yenimam arai yenika abeit?" Ebala, "Arai eong-eong enabi loka Edeke kakidingosikus. Kolimokis eong apak adiopet nabu eong alimokina yes idiobore Kokiror loka Ejakait yenimam abu kitodolikin." Ngun kes abu Samuel kiswamaik kes. Ebala ebe, "Ido mam kereka Edeke kitanit yes ka aidar yes ka aswam iboro lu kere?" Ebala, "Ilosete yesi adiakar kanuka atamit aswam bala kwape akwapin ace."

"Oo..." ebalas ebe.

Ebala ebe, "Akoto eong aingit yes icebore bobo. Eong ayangaritor idiosirigin kamakus? Eong elipitor yesi ainakinet? Araibo eong alimokinitor yes idiobore Kokiror loka Ejakait yenimam kobu kitodolikin?"

Kotemasi nges atiar, "Mam. Mam ijo iyangaritor isiriginikosi, abeit ngin. Ido mam ijo kilimokinitor isio idiobore Kokiror loka Ejakait yenimam abu kitodolikin."

Kotema atiar, "Aso kiirasi eong! Ijaas yesi adiakar kanuka atamit aswam bala luce kere." Konye akotosi kesi ekabaka kwape kwangin! Komam epodos arai adolit arai adiakara, akotosi kesi-kesi aiswamaun akeceomisoit.

Ibore ngipengin nges abu ekanisa kiswama kanepokane cut ko Epeso, apotu kesi kolemutu aisiasianakin naka Inikolain. Ido nakeswamata ngun, abu ngin ijuka kes cut toma aibelokin arai ikapiirin ka Ekritayone nepepe kosodete ayangaun ikar akwatakany luka Aturio Nukamutonn. Ido nakeriuna Luther kes kinga, arai (atutubet nakiareit) mam luka Lutherans apotu kiswamata ibore ngipengin yenapotu kesi

kiswamata kokau kotoma Epeso! Becebec.

27 Kwana, arai kimisiik ijo, mam ipirin luka atalai asipokinitai ejok koipone kangol. Apotu kogeutu alomun koipone kalo kosodete atakanun. Eebo, naekiara kakere ajai awai katoma aiboisit nabwoio Ngesi arai adiopet na kokuju kane. Kosodi Ekristayone ageun aiputar kwape kanyounio kaneabwoio Ngesi kotoma aput naka emusalaba kwape tikianyunia oni Nges kotoma osula lo 4; kotoma aput naka emusalaba koipone kalo. Ido Akekan nakoteten nges na, ngin nges arai Akekan nakokediany. Kwana, cut kanepokane, ajaatar Ngesi Akekan idokokina neejai ekanisa lo ka neejai ekanisa ngol. Arai Ngesi Alpa ka Omega ido, ejena ebe, kere ajaas toma akidingot naka iarei, ibaluan luce kere. Konye abu kotema kaitelekarit, "Alpa ka Omega." Ajaatar Ngesi etaluka kokuju akouKe, loarai Akeitutuket.

28 Kwana, arai kimisiik ijo, aica naka Pentekosit, neageuna, abu koolio motimot. Ikiliok lu, Irenaeus, Polycarp, luce kere kakesi apotu kipucakisi ajenaanutukec kede akeceokot, kiton neabu awasiake koridakina Ekristayone toma apaarasia nuamutoko kakere.

Kwana koany, atur nasodit kosiep kaje loka aculuret kangin nakapolon, abunit Aica nadit mot, Aica naiyatakina, kosodi bobo Aicaa aiyatakin. Kosesen eipone loegeunia aica bobo, elomuni toma apaaran ngin. Ido kwana kotoma angeset naka atur kana, edwaritai kane ebe abuni ngin adolun neejai Laodikia, "kojalama." Kwana, ikoni ne. Inyobo, arai abu ibore yen kane koyangau kes neejai na, inyobodo ikotor oni ngin kalailo ko Pentekosit?

Ido ijeni ijo abala Ebaibuli ebe, "Abuni ajaun etiang." Ido ijeni oni ebe erai ngin luka ipaapa luka Iromayon. Edolit ngin cut becebec. Ido apote kesi aiswamaikin etiang aput. Inyobo aput? Ibore yeniswamaunitai koputosi bala ngin. Ido ngin nges aimorimorun naka ikanisan, ido ejai Pentekosit tomake. Ebuni apak adolun naeraunor ijo arai ajaut orionget arai mam mam ijo ipedori angaar ekonikek. Kwana koany arai mam ngin erai abeit! Ngin nges apolou kicurio oni nges kiton atwanare. Eebo, ipa. Mam ijo ipedori...Kwap naka ngin, etamete kesi aimakakin ijo erono noi, kiton naketamiata...mam ecamakinete ijo agwel arai agwelar dimikito kijaatar ijo amacaret naka erionget kangol mamakon. Itolomuni ngin cut toma.

29 Cut becebec bala kwape kapaaran kangin, aponi kicweai kes, ngul...abu eong abwoi kangina kaiboisit kangina; abu eong amony bala ikoku neangoliar kaju ngina aiboisit naeboioto isibei aiboisit ngin namojong kangina. Kasodi-kasodi aanyun iboro ngul, ido ajeni eong ebe luipu kotoma oinacanaka lu Kristayon apotu ingatunyo konyamata ka-ka anyilinyilinar kotoma aiboisit kangin, ka angor ka idwe ludidik ka iboro. Ido aoomoi eong ebe arai apotu ngul kere kolototo ngina kotoma aiyuun, eong etukururwori kes kwana? Mam, ipa, onac! Edeke, koinakinai eong aibwo kanuka Aiyuun naaponi koinakinai sek lukalaunak! Ibore ngipengin, mamace arai mam ejenara bai...

30 Ekoto duc icetunganan atemar. "Ijeni ijo,..." Abu icetunganan kotema pac...Oo! Imwaasi ai ijaanakinak lukapolok kotoma oisawa anyaranasi eong kosodete atemar atiar, "Onac Branaham, arai mam ijo ipalar ngun, nginironget kere ebuni asurwokin ijo."

"Inyobo, eong ebe, "ejai Ediopet lomam ebuni, Ngol nges Loejai toma Akuj. Ngol nges amoot eong." Ianyu? Kwana, amina eong itunga lukotoma nginirionget. Abeit cut. Konye eong alimokinitor yesi idiobore yenabu Ejakait...Kokiror loka Ejakait, yenimam abu kitodolikin? Ianyu? Bai nginibore kere adaun alimun kosodete aswam ejok? Eong alipitor isirigin kamakus? Aso bodo ikunyasi awai kama ejaas iriongeta! Kosalak ilajaara kotoma Kristo, kinyek Emoyo Lokalauna duc kimirim toma ka kinga naka ekanisa.

31 Ibore idiopet bon ationis, kolemas atiakiaketa nu kere awai kamakus. Isisianakineta lu, ka aipup naitegelikina kosieplikus kanuka inacan, ka iboro bala kwape kangul, ijangasi ngul awai! Mam icamakini adioliasit naka adwaris alomar otaukon. Arai kicamak ijo ebuni aisirieb ijo. Cut. Kinyikok amin! Mam eong apodo arai engaras ijo itunga bai, imina ijo kes kwape kwangin. Arai mam ijo ipedori aswam ngun, ipuda ijo...e...ijo mam ipedori...mam ijo ipucakinitai, iroko ijo ijaatar aiboisit naijarijara. Aso ijoba, kobong, kosodi aipucakin ngin ejok cut kede Aokot nuka Kristo. Ebuni aitesegaar ijo kama ejaas alias kere nuka adwaris. Eebo.

32 Kwana, itei ijo, konye itamit oni bobo. Abu Arereng naka Opentekosit kodou nepetai 1906, nenice kanepakanen. Ejai ejaanakinan loiboiete kaoni atibong na, ekalimonokinan loelomunit ko Tibet, ediopet kotoma e...mam eong alimunit ngin naarai ejai ngesi; amuno eong ebe mam abu kolot ore. Aomit eong ebe eroko ngesi ejai ne, abeit nges einerakin oni mot eroko eong ebuno. Ido iitunit etunganan ngol nasodit nako Pentekosit. Amamei idiorionget, amorete itunga kere iboro. Oo, epatana bo lolo bai aicakakin aikunyakinet naediakara kanepakanen, ido eipone loesubitor bala ejok kaneejaas lukacoa.

33 Koany, mam Isirael ajeni apak nabwoatar kesi kokinga kangina kotoma ariri, kiworoete...Kwana, ibala ijo ebe, "Eipone loka ediini kalo erai ibore yenitetet." Inyobo, erai loamojongit kakere loejaunar. Abeit cut. Eroko ber akwap kesuba da. Eluluete kesi ido kituritos Edeke. Abala Edeke kwangin, abu kingit Yob, "Aibo ajai ngesi apak-apak nawoioto acer nukatupuruc nepepe, kosodete odwe luka Edeke elulu kanuka aiyalama." Erai nen eroko ber akwap kesuba da.

34 Konye kwana kosesen Isirael, aanyunitos nukapedor. Erai ngin Pentekosit naalingakini; Isirael, Pentekosit naka apak kangin. Kwana aponi kes kolemunite kinga ko Misiri, abu Edeke kisirerengite kes, abu koinak iponesio kere luka aanyununeta ka nukaumokin, kosodi alakun kes. Ido nakebwoiata kokuju naka edoket kosodete ajaun kede airiamun nako Pentekosit...Apotu kesi kiswamata! Kwana kopupok. Abu Musa kowo kotoma Omoyo, kosodi Miriam alemun atenus, ikosie kotoma Omoyo; kosodi adwe nuka Isirael atupakin nges, ewoete kotoma Omoyo. Arai mam ngin erai atukonokin nako Pentekosit, mam eong aanyunitor ediopet. Mam kes apotu kiyuutu ebe a-akwap nakaisumunet ajai ngarenekec ikar akaisaongon. Arai bon nepetai amairon akaisaongon. Konye abu koyangaik ikar akaisaongon adolokin amairon akaisaongon erai naarai apotu kesi koseutu ibore yenaronon. Apotu kesi koseutu ajaut kede ekisil aiboisit naka acamakin Emoyo Lokalaunan aingarenikin kes, Epir loka Akim ayangar kes ka aingarenikin kes. Akotosi kesi ajaut kede icebore yeniswamaete kesi ikulepek; akotosi ajaut kede esasedoti ece, ecetunganan lokapolon, ka asioman adio naka aisia naka ediini naapedoriata kesi epeget nuke, aiboisit naka alosit ngaren kosodete acamakin Emoyo Lokalaunan aingarenikin kes. Ajaas kesi toma Omoyo; abu Edeke koinakinite nginibore kere, konye ajai kes ajaun kede icebore yeniswaman kotomaKe.

35 Bala kwape airop bobo. Kojalak akiteng kanuke bon. Kojalak asigiria kanuke bon. Kojalak inyamat kanukec bon.Kesi...Abala science ebe, kotoma apapula naenyaritai Reader's Digest, aiwadikateke, arai kinyikokis airop inyamat, kosodete itunga ainyam...Bala kwape akokoroi, eswamata kesi akokoroi kiton neemameotor kede abebenoka ka akeje. Ido arai keper, arai keper kwap, epedorete ajar adaun ekar ediopet bon. Ido erurut akiring noi mam ijo ipedori ainyam kapatan. Ido enyamete itunga ngin, erai aitapaar itunga. Edolit ngin.

Ijeni ijo, ejaas ikatepak ikiliok aiyatakin nepetai akaisaongon kanginikwatat ko United States, adepar ekaru ediopet kau. Ido ijeni lem ijo ebe ebal science ebe ejaas angor alalakiar kokeperinikec kosodete adidingar kotulin? Ijaas yesi ainyam ikinyom luitapaaritai, ijaas yesi ainyam iboro luitapaaritai. Esubunitai akonikuan ajar kotoma oboro luesubit Edeke. Ido inyobo ejai ngin aswam? Ejai aijulakin ejautene loka esubune loka ekiliok ka angor, kiton Hollywood, karaida apuganiwok, kanginibore kere ileleba apaar. Inyobo ejai ngesi aswam? Ejaas kesi ayangaun ngin toma aijarawok kanuka ekitoikec ikulepek loka aijen, aarakin bon.

36 Kobongosi ageunet! Kojalakisi esube kanuke bon. Kojalakisi Edeke kanuke bon. Kidarata Ekanisa kotoma Omoyo Lokalaunan; ido konyoutu awai kama ejaas ikaanyanarak lu kere ka ipaapan kede iponesio kere luka aisianakin. Kobongosi nekigeunia. Kobongosi. Korai Yesu abongun lolo, ti ijo kitema ebe, "Arai eong loka Methodist."

Ti Nges ketema ebe, "Mam arai kwangin kageunet!"

"Arai eong loka Presbyterian."

"Mam arai kwangin kageunet!" Inyobo ajai ageunet? Aswamisioit nabu kiswamaun ko Pentekosit naka aibatisao naka Emoyo Lokalaunan. Kwangin nges ageunor Ngin.

Konye, itei ijo, ijai oni aitapaar ngin. Oo, itubusiari ngin. Abeit cut. Ikanisa yenididi ebwoi kangina ikosiete, ido kiluluete; ido kalaije korot, ido ibiribirete itunga kes kede amor, okenatar kes, ka nginibore kwape kangin. Mam ngin ibus noi. "Konye kwana kijaar oni eiliba lokapolon, ka Ailipa naka Ikiyakia, ido, oo, Doctor Ph.D., LL. Idigirin iarei luka L.D., mutan kwape ecokion." Kosodi abunore kosodi atemar atiar, "Aa-etunganan," bala kwape itaok yenejaatar angaarwoi, kosodi alosit ngaren kwangin, eipone loka iboro kangul kere.

Kitimoi eong, mam eong-eong apeleikinit alimun ngun. Kitimoi eong, mam eong apeleikinit ngin koipone kangol. ianyu? Mam eong ebu apeleikinite ngun. Mam ngin erai naibusakinit ebulesit loka Edeke.

37 Konye, koany, ngun kere, eong...abu kotubun toma aomisioka, itei ijo. Konye abwoi kasodi atemar iboro ngul kere luegelegela koipone kangol, aswam koingaren naka...ijeni ijo, atemar, "Kwana, mam, mam ijo ilimunit ngin ejok. "Aa-etunganan." Amina eong airiamun najokan, namojong nako Pentekosit naibirununor apedor naka Edeke, kosodido ijo aiworo ka elulu ka aima Edeke, ajaut kede apak nakajokan. Ngol nges eipone; ekamu Emoyo Lokalaunan itunga. Konye oni...Mam ijo ipedori apupun "Amen!" kapatan bobo, erai "Aa-etunganan." Ejaas ngun da, nen nges kidolok oni, itei ijo. Eninik iriongeta lu, epoget...

38 Kwana apotu tope ikiya-...Biai ajai tope adwaranut kanuka ngun? Yesi kiitunitos adwaranut naka Paul akuar natubor? "Ajani eong akauko naka anyounika, enyounete ipeen luededeng kokidingikus, ido itunga luka atukosikus obe, ikus...cut kotoma okanisakus obe (Ekanisa loka Iromayon loka Atulik, ebunit) enyounete kakidingosikus ido iriarete ikesisiak atupar kes." Ido ipeen luka Paul, ianyuni oni ebe , apotu koraunos Inikolain.

Kopupokis Emoyo Lokalunan inera kama ejai enabi bobo, "Kotoma apaarasia nukawasia epote apakio nuetioko, naarai eraunos itunga lueminas bonik, (Arai Doctor mutan, mam ilimokini eong nuikamunito ngin, kwana. Abuni ainakin ijo amisiikin ebe arai eong loka Presbyterian. Aleluia! Araibo, arai eong lo

Pentekosit.').” Aitegelikinet anyoin iswamauni ngin, arai mam ijo irai loka Pentekosit kanuka esubune? Aijen naka ngun nuapotu kiswamaunos ko Pentekosit, itei ijo. Eebo, ipa. “Arai eong loka Assemblies.” “Arai loka Church of God.” Eebo ngun...aitegelikinet anyoin iswamauni ngin kaneejai Edeke? Ekoto ijo korai loka Akabakanut kokuju kangina, itei ijo. Edolit ngin.

39 Kwana, arai-arai kiany ijo, e...iboro lu kere eraas atukos naka-naka ipucinio. Kwana, abala Ngin ebe, “Apote araut luemwositos, luiketara, lueminas aboliasio itia amin Edeke.” Oo, mam epedorete alosit okanisa akuar naka Naesabiiti bon ebe ejai ainapetaite ace najokan ko Television elosi ngaren. Oo, ikatunga! Ducuduc kes...Karaida ikanisan ejaatar itiiimun luka emopiira, ka ainyam lukatibong luka asupu, ka ipucinio luka cricket, ido, “lueminas aboliasio itia amin Edeke, ikabilak ibotei, ikasabanakinak akiro, lumam isimonikina, ido luemwangito ngul lukajokak.” Lu emwangito ngul, itei ijo. Lu emwangito ngul, amiedanar kes kinga. Luemwangito ngul lukajokak.

Oo, ibala ijo ebe, “Eraas ngul luka Communist, onac.” Oo, mam. Mam, mam.

40 Luemositos, luiketaara, lueminas aboliasio itia amin Edeke, ikabilak ibotei, ikasabanakinak akiro, lumam isimonikina, luemwangito ngul lukajokak, ejaas kede aput...” Aijen naka ediini, itei ijo. “Ejaas kede aput naka ayongit Edeke, konye kongeritos Akepedor.”

Inyobo tikejaun kotoma apak kana? Itei ijo, “Ejaas ka aput naka ayongit Edeke.” Alosit okanisa kanu atodiar kwape kipedora, kotoma apak Naesabiiti, kosodete ainap ipalei luuriesik kapaaran Naesabiiti kiding paaran, aikat alaaro kosodi ajaun kede ajon nuka Oertel 92 kokinga. Kosodi ecokion alomar kinga kosodi aimat esigala kosodi abongun, ijeni ijo. “Ajaut kede aput naka ayongit Edeke!”

“Eebo, ecokion, ejai ekanisa kuju ngina, elimokitai eong ebe abu aberu ngin kodum angaleu kapaaran kaya kotoma a-...”

Umm. Umm. Tai! Atuboros apaarasia nukapedor.”

“Eebo, ijeni ijo inyo? Ajai eong-eong kuju ngina okanisa ece akaur kaya, alimonokin kalaije elosi ngaren kokoona, ido ajai icetunganan enyouni aibwo kangina, kinera icebore, e-...”

“Oo, lominat, mam cut iapie kosiep naka itunga kwape kangul. Eraas ngul ingwoko lubangio. Ikatunga! Mam ingianar kosiep naka ngul. Eraas ngul lukalaunak luibelibelos. Mam cut ijo...”

41 “Ejaut ka aput naka ayongit Edeke ido kongerito Akepedor, kibelok ngul epur. Naarai kwape kangul kes elosete otogoi ido ingalaaret da angor nubangiok nuriit aingobel naepol, isisiaete komam edolokinete ajenun Abeit.” Edolit ngin becebec. Ikoni nen, atukot naingaranakini angor, atukot na, ngin. Ejaatar ekanisa loka ican atukono nuipu kiton ebe mam epedorit karaida alimonokin Eijiri bobo. Emameotor ecokion kidimarai adakikan akaisaarei bon, ido ebeit nges einer nuikamunitos icebore ekaulo. Ianyu? Arai mam, ebuni atukot naka idikonin airiamun kanges. Eebo, ipa.

Oo, onac, inyobo ebeit ecokion lokajokan aswam lolo? Aswam nuepedori ngesi kere aibwo kosodi aitub atenu kaneekototor kesi, kosodi ainyekikin ararasia adoere nekotosi; kosodi acakar ngin kinga ngina. Odaun. Eebo, ipa. Edolit ngin. Mam-mam ideuni idiotunganan, kolimonok ijo Akirot kosodi asalakin cut kede Ngin, kosodi aibubukin ngin cut korot. Arai ecakakin ijo ojeera, kolimonok Ngin ojeera. Arai kibwaikin ijo adioboisit kere, kolimonok kanginiboisit kere nailosi ijo; kinyikok alosit ngaren, alimonokin. Edolit ngin. Kwana, ngun kes apotu kiswamaunos. Itei ijo, ejaas kesi alemar ngin awai.

42 Kwana ijai oni adolokin neejai-neejai Atur naka Sumuruna. Ekokoro lo 8:

*...ido kiwadikak emalaika loka ekanisa lokotoma Sumuruna ebe; Inera kwanata ngol losodit ka lokawasia da, loabu kotwanite ido ejari, ebe;*

Akoto eong yes amisiikin ebe nginipak naitodiaror Ngesi neejai atur naka ekanisa, isingareni Ngesi ngaren icebore yenika Edekeoneke. Ngin nges ibore yenisodit yenetami Ngesi aitejenun okanisa, ebe, ngol nges Edekeoneke. Erai Ngesi Edeke! Itei ijo ibore yenapolon kokau kane yenapegatar Irenaeus ka ngul? Atamitos ngul atemar ebe Edeke kotoma osuban iuni, ido erai Edeke kotoma otunga iuni, ido Edeke kotoma kanu. Ebalan ngesi ebe, “Emamei ibore kwape kangin! Eraas ngul imaeta luka Etunganan ediopet, ido ngol nges Edeke Lokapedor kere.” Edolit ngin. Aso mam ijo...ajaunos duc kesi kede ngin. Ido Edeke kane kageunet ejai aitodiar nuka Eke-Ekedekeone ediopet. Iseseni ijo Nges ejai aitodiar, nasodit kane, “Eong Ngol loajai, loejai, ido loebunit. Ido arai Eong Lokapedor kere.” Kane egeuni Ngesi cut kede Atur naka Sumuruna kwana.

43 Kwana kopupok Nges, “Eong...”

*...ido kiwadikak emalaika loka ekanisa lokotoma Sumuruna...(Ido icamunit oni ngol araut Irenaeus.)...ebe; Inera kwanata ngol losodit ka lokawasia da,...*

Ianyu? Abu kitodiar, “Arai Eong Edeke, kwana, loka atur kana naka ekanisa. Mam Eong akoto idekesio



iwongon arai ikany luegelegela kosiepika kane. Arai Eong-Eong Edeke. Itei ijo, ikoni nen."

*...loabu kotwanite ido ejari ebe; (Amen!)*

Kwana, erai ngin a-aitodiar. Kwana-kwana Sumuruna akepolou "adwaris," ido elomunit kotoma akirot naka emina loimukere atesin (myrrh)-myrrh. Ido e-ekanisa losodit-ekanisa losodit, ido...abu kotwaniarite akemin nasodit, ekanisa losodit loka Epeso. Ido abu ekanisa lo kogeunite ajaun kede "aliasit naka adwaris" elomuni kotomakec naarai ebe ekanisa lo, ekanisa lokapolon, atutubet naepol (luipu kakesi, duc) asurwokinitos nuikamunitos Emoyo Lokalaunan ayait kotoma okanisa, ido akotosi kesi ayait, kesi ikulepek. Akotosi kesi asipokin asasedotene, akotosi kesi aswam kwape keswamata itunga luka Aitutuket Namojong. Akotosi kesi isasedotin. Kosodete kesi...Arai apotu idekesio lukapiirin kokau kangina, kaneaponi kibelokinere kes, ajaatar kesi isasedotin kaiceda luka e...luka Jupiter, ka isasedotin luka Venus, kaiceda; ekotosi kesi-kesi-kesi ayangaun iboro ngupengul aitarau itunga lu. Itei ijo, akirot ngin kere erai nakapiirit kageunet ber sek. Ikapiirin kere ejaatar isasedotin ngul ka iboro kwape kangul. Konye-konye Ekanisa loka Edeke lokajaran, erai elongwau neejaas ngul. Kristo nges Esasedotiwok, Esasedotiwok lopeti. Kijaar oni Esasedoti lopeti, emesa da lokinyami oni kotoma.

44 Kwana, ageunit ekanisa lo aikeun, "aliasit naka adwaris." Inyobo? Arai loadwar neejaas ngul luakotos ainyikokin ngaren kede Emoyo Lokalaunan. Adaunit amin aijesar, ido atamitos kesi aburokin kede italesio ka idiinin, aikunyar awai kama ejai aingarenikinio naka Emoyo Lokalaunan. Koomoom nuikamunitos ngun! Nges ainakini a-a-adwaris ejai tomakec. Eebo.

Kwana, ekanisa losodit, lo...abu adwaris kogeu acedun toma. Ekanisa lokiareit, iyatakin mot. Kosodi awasia, abu kolom toma cut naarai ajaas kesi "aiswamaun ekanisa loajakan adepar"; aomitos kesi ebe ajaas aswamaun. Kanepekane cut ajaatar icebore yenetopoloritai, apedorete itunga lukapolok luka Iromayon alomun toma. Inyobo? Ajaatar ngul ipaapa, ajaatar-ajaatar itunga lukapolok cardinals kaiceda. Anapitos ngul ejok. Apotu ikunyasi awai kama ejai acelanar kere ka nginibore kere yenajaatar kesi; elilingete noi. Etodunit ebe ajaas atwakare. Uh-huh. Uh-huh. Ajaas atwakare. Aso apotu kesi kitopoloros kosodete aswamaun akuan naajok adepar. Ibore yenisodit kokuju kalailo, ajaatar kesi ibore ngin kotoma atukot nati maka ediini, ekanisa loka Iromayon Loimorimorit, Ekanisa loka Atulik loka Iromayon kotoma Atur Nukamuton. Eebo, kosodi do ajaatar kesi lukapolok, ido ajaatar kesi lukadoketai.

45 Oo, arai naebus noi adepar apakio natapitor kes aibwo kokinga kangina korot, "ido kolosete konapitos imukulen luka amerekekin, kwape imukulen luka akinei, ido icanasi, kosodete atubutubio, ido-ido okenatere, kobolaitere," ido kwape abalar Paul kotoma Oburanean kosula lo 11.

Inyobo, ekanisa lo lokapolon, loti, loebwalitai ejok, Konapitos isikaatin lukotoma ka-ka iboro lu kere luenapete kesi koipone kangol. Abeit cut, asubito bala etopoloor, "Papa, Ekimat, Doctor, Papa mutan," Oo, ikatunga! Apedorete kesi anapakin ibore ilopet "ekingok," kangina.

Konye, itei ijo, arai ibore yenaropunitai! Itei ijo, amameotor Aijar adio da kotomake. Ido mam kes epedorete abongor kau bobo, ngin nges apolou mam kes enyouniata cut. Aisikwarunio naka Lutheran mam abu konyou aibwo bobo. Aisikwarunio naka Wesley mam abu konyou aibwo bobo. Aisikwarunio naka Nazarene mam abu konyou aibwo bobo. Karaida aisikwarunio naka Pentekosit. Inyobo? Naarai kipotu yesi kooarata ngin. Apotu yesi koropata ngol kede akwapin, kede aomisioit naka Inikolain, mam apotu kocamakisi Emoyo Lokalaunan aswam nuKeng. Edolit ngin. Kirop ijo ekanisa mam bobo epedori abongor kau aijar naarai ngesi. Kirop ijo ainyakar kau idumuni ijo luka Methodist luipu; irop ijo luka Baptist ainyakar kau, idumuni ijo Baptists luipu; irop ijo Atulik ainyakar kau, idumuni ijo Itulukin luipu; idumuni ijo ibore ngipengin yenijai ijo alomun kotoma abubukat. Konye ber eong alimok yes icebore; ebongu Emoyo Lokalaunan, eyangauni aurio nakitetet ka Aijar nakitetet; aibelokinio. Aibatisao naka Emoyo Lokalaunan; eyangauni Ekanisa ainyakun toma aijarake bobo, inyakakini Aijar tomake.

46 Emudunga loeropitai emameotor aijar kotomake. Inyobodo aijar naerai ngesi, erai nepetai naedauna. Kwana, idumuni oni ngin kotoma Atur kangin Nakamuton kangina, "Ibora idis luijaatar ijo, kodongaki tomake," Abala Ngesi. Apotu kesi koridakis ngin aitolomun kinga. Kwana, konye mam epedori aitolomun akeijar bobo. Kwana, e..

Konye Akuan naka Yesu Kristo mam erai-mam erai erionget. Akuan naka Yesu Kristo erai Akuan naka aiyeiyea, erai Akuan naka...kotoma Akabakanut erai ngin Akabakanut nakomoyo Akabakanut naesipokinitai toma akwap Yesu Kristo kwape Ekabaka loka Akabakanut kana, Esasedoti Lopeti kanu ainanakin asuban kanuka alosit toma Akabakanut na. Erai Ngesi Enabi (Akirot) loelimonokini Abeit ka ayangaun Aica naka Edeke toma Akabakanut na; ido erai Ngesi Enabi, Esasedoti, ka Ekabaka, kotoma Akabakanut kana. Ido eipone ali kilomaria oni toma Akabakanut na? Kanuka ediini? Kanuka enyukuta? Kanuka aijang akanin? Konye erai "kanuka Emoyo ediopet ibatisaikinio oni kere toma Akuan adiopet" naerai Akuan naka aiyeiyea naka Yesu Kristo, ido ibatisaikinio oni toma ngina, mere kanuka akipi, mere kanuka aicokicok, mere kanuka aibuk akipi, mere kanuka ediopone loka aibatisao naka akipi, konye "kanuka Emoyo ediopet, Emoyo Lokalaunan, ibatisaikinio oni kere toma Akuan adiopet," Ikoriton Lusodit 12. Eebo, kibatisaikinio oni toma Akuan kede Emoyo ediopet, Emoyo Lokalaunan, akepolou mam do oni irai

luka idiobore dimarai Kristo. Iraas yesi luka Kristo. Erai Akabakanut naka ayeiyea naka Edeke naesipokinitai, tetere oni kilomari toma Ngin kanuka aibatisao naka Emoyo Lokalaunan. Aminakit eong Ngin! Umm!

47 Ejaas itunga nepetai nginiboisit kere,

Luelikanete itauon

Kede akim nabu kodou ko Pentekosit,

Nabu kitesega ka aitalaun ngul;

Oo, enokie kwana kotoma otauka,

Oo, aibuses kojai Okirorike!

Eyalama eong noi ebe apedori eong alimun ebe arai eong idiopet kakesi.

Idiopet kakesi, arai eong idiopet kakesi,

Eyalama eong noi ebe apedori eong alimun ebe arai eong idiopet kakesi, Aleluia!

Idiopet kakesi, arai eong idiopet kakesi,

Kwana eyalama eong noi ebe apedori eong alimun ebe arai eong idiopet kakesi.

Karaida mam itunga lu esiomitos, (D.D.D.Ph.D. Itei ijo.)...epedori komam esiomitos,

Karaida epoget kanuka ajenara naka akwap,

Adumunitos kesi kere Pentekositikec,

Kibatisatai Kokiror loka Yesu;

Ido elimonokinete kwana, luelwaka ka luisiarakina,

Ebe eroko Akepedor ikoni nepenen,

Eyalama eong noi ebe apedori eong alimun ebe arai eong idiopet kakesi.

Biai mam yesi iyalamasi? Eebo, ipa. Idiopet kakesi. Odaun.

48 Eitunit eong alosi eong kalaije ko Memphis, amucalat ngin nairionon kede akekou ituluritai kwap kangina. Abu kotema ebe, "Yoga atupuruc etunganan loka Edeke."

Eong ebe, "Eipone ali ijenuna ijo ebe arai eong etunganan loka Edeke?"

Ebala ebe, "Ejakait alimokini eong ebe, "Ebunit Eketunganan kalaije korot, konapite

akopiira narengan, kingadakinite aikaapo." Ebala, "Abu eong ajen ebe erai ijo ngol

neanyunia eong ijo ibuni." Ianyu? Oo, arai ngin idiopet kakesi. Edolit ngin! Oo, eipone

loejokunar Edeke!

49 Kwana acamunit eong icebore...(Kosiomuni Onac Branham iwadikaet yeneinakinio nges-Ekewa.) "Ipese yenabu ijo kilipak, akuar naka Naesabiiti, yenalomunit ko Bedford, esubit bala atwana. Mam na epedori...Elipit kilipak." Ipese yenapotu oni...aponi kilipakinai nges kane akuar naka Naesabiiti, elomunit ko Bedford, "atwana," ebalas kesi. Aso kelipa:

Ejakait Yesu, elipit koipone edio, koiponece, Ejakait, kotubunos ailipasineikosi kanuka ikoku kangin. Ibwaikini isio ikoku yenididi neijai Ijo, Papakosi Edeke. Kiomoomoi isio nuka itunga kangul luajaas ne ido kilipitos ido kingisitos ailipa kanuka ikecepese yenididi. Wu Papa Edeke, elipit eong ebe-ebe epedorete akiro ikote nen, Papa; mam isio ijeni, konye elipit eong ebe kitimi Ijo kosodi ainakin agogogng kosodi ainakin ibore ngin yenididi anyoun aibwo kosodi ajar kanuka aibuses naka Edeke. Kokiror loka Yesu Kristo kilipia. Amen. Kiyatak Ejakait Yesu Akerereng.

50 Kwana, ekanisa. Kwana, ekiror loka ekanisa eupanara kede eipone loka ikeponesio. Ijo abu komisiik Sumuruna akepolou "adwaris"? Ido kimisiik ijo nginidiopet kotoma okanisan kwana, ekekiror loka ekanisa ejaatar kede icebore yeneupanara kede eipone loka ekanisa. Ti eong alim icebore kane; konye ejok eong ainyekikin, naarai ipedorete yesi amisiikin eong erono. Ianyu?

Ikonikiror da ejaatar. Ipedori ijo komam ijeni, konye ejaatar. Oo, eebo. Ibala ijo ebe kwana, "Erai imusimun luetupitos ikiroria." Mam, mam erai. Nakeurunere Yokab aponi komaikinai nges Yakob loarai "ekamodan;" konye neabu ngesi koutakinotor ka Emalaika, abu Edeke kijulak ekekiror kiton Isirael, "ekabaka." Biai ngin edolit? Arai Saul "Saul lo Tarasis," ekesa loarano; konye, neabunio ngesi neejai Yesu, aponi nges konyarai "Paul." Ekiror loka Simon arai "Simon"; konye neabunio neejai Yesu, aponi nges konyarai Petero, "atiida." Oo, eebo, ipa. E...Ekonikiror eupanara kede ekoni...ejaas kede aisinyikokinet toma oponesiokon.

51 Ido ekanisa lo anyaritai Sumuruna naarai ajai atwanare. Sumuruna akepolou "adwaris." Kotoma akiro ace, ajai aliasit naka adwaris alomun ido ajai amiedar ngol awai, ajai toma orotoke neejai emina loimukere atesin. Ngol nges inyonyonokinere awat, myrrh, itei ijo. Arai myrrh, iboro lueurok maa, kwape akinyet nainyonyonokinio. Itwasamao myrrh kanu-kanu ainyonyonokin awat nukatwak akaulo naitoonere, kaceda. Ikamanara kede atwanare, ido ajai ekanisa atwanare.

Ido, oo, mam ijo itei, lolo, ipapero, aikunyakinet nakapolou nako Pentekosit nabu kojaatar Ajar ikar idis kau, mam ijo iseseni ebe ejakai ainyonyokin kede myrrh? Ianyu? Akinyet ngipengin najai toma okanisa

lo kane abu kwap cut ido ejakai ainyonyoikin lo kalailo; ejai atwanare naarai ejaas abongor toma atukot naka idipaica, ido ejaas alacar inapenekec lukakwangak, lukalaunak. Itunga luabwoete kokinga kangina, ka Emoyo Lokalaunan lokabeit, kinas kede angajepa, ido kitodiaritos Edeke. Ido, onac, araas kesi itunga luamunokina ido, "kakiro kere." Araas kesi-kesi lumunon, ipedori ti ijo amunokin kes kadioboisit kere. Kwana mam ijo ijene ibore yenebeit amunokin arai ingaibo ebeit amunokin. Ianyu? Ejai ibore yeneswamaun. Eswamaun icebore. Inyobo ngin? Ejakai kes ainyonyokin akinyet naenyaritai myrrh, naka adwaris. Anyoun aibwo. Ediopet...

52 Inyobo abu koyangau ngun? Abu ediopet kolom toma, ajai e-ekanisa loanyaritai ebe, losodit, arai General Coucil (Atukot Naimorimorit). Kosodete anyara ngin ebe Assemblies of God. Kolomuni Church of God (Ekanisa loka Edeke.) kotoma Assemblies of God. Kotoma Church of God kogeunete angolenikin, kobalas, "Iraas yesi luka Assemblies of God." Ebalaloe da ebe, "Iraas yesi luka Church of God." Ido kotoma kangol kolomuni loanyaritai United Pentecostal Church of God, kotoma akirosit. Kosodi do, ibore yenisodit yenijeni ijo, aiboisit naka acamun Aica kosodete alosit kotomaKe, inyobo, apotu kesi korautu erionget kiton neemam apedoriata acamun Aica.

Kwana, neayangaunere a-ayangaunere aibatisao Kokiror loka "Yesu Kristo" neetolomunere ngin aiboisit naka "Papa, Okoku, ka Emoyo Lokalaunan" neejaas Assemblies of God, adaunitos kesi adongakin aso mam kes apedorete aijulakin ngin. Ido ejenete kesi ebe erai Abeit! Eningit eong idio kotoma kakesi aitodun ebe mam erai naedolit kede Ebaibuli. Erai cut kaileleba Abeit. Konye anyoeka epedorete kesi aswam? Mam kes epedorete aswam ngun. Itei ijo, einakini ngin kes aibil etalekec, mam kes epedorete.

53 Ido inyobo apotu luka Oneness kiswamata? Aiboisit naka acamun Ngin kosodete alosit ngaren, apotu ngul koninikata: "Kisirerengitete Edeke apaarasia kere! Kidum isio Aica, ido imameotor yesi. Irai isio luka..." Inyobo apotu kesi kiswamata? Apotu kitarautu ngol erionget. Mam ijo ipedori aitarau Edeke erionget. Emamei ber Edeke akuan da, Ebalaloe Ebaibuli. Mam, emamei ibore yenikamunit Edeke yenerai yenika erionget.

Kwana, aso apotu Assemblies kotamata aitarau Nges erionget kosodete aitarau ngun...akece... lokec e-e-Ekanisa elopet obe. Kosodete luka Oneness abunore, apotu kotamata aitarau lokec erionget, ido "ajaatar ngul Aica naeyatakina." Aso inyobodo apotu kesi kiswamata? Apotu koduosi ngin kanuka ekecepone lokaronon, loka adwaris apotu kinacata ngol. Aiboisit naka akorar ngin kede abalang ka ajijim, apotu kotamata alemar loce je kodican, emamei oni ibore yenebeitor aiswamanaror ka ngol. Ido ngin nges abu kiswamau ngun. Abu kopia, apakio kangun. Ibore yenisodit yenijeni ijo, abu ece kobu, ejaatar nu, ido kwana apotu kesi kotiakakinos. Abu ediopet kotema atiar, "Ebuni Ngol kibwanenite asigiria nakwangan." Loce je ebalaloe, "Ebuni Ngesi kotoma odou loakwangan. Kisirerengitete Edeke, ageuni eong ekarionget kalailo." Koany eipone lokiswamata kesi? Abu ngin okora emina lo loimukere atesin loenyaritai myrrh-myrrh. Abu kogolok einacane.

54 Ikiliok, angor luipu, atibong na, kotoma Assemblies of God, ipudas abunore kosodete aibatisao Kokiror loka Yesu Kristo, ejenete ebe erai Ngin Abeit naka Edeke. Irengeario kes korai tikes aswam ngun.

Ido luka Oneness luipu luka...Kwana, mam eong arai loka Oneness. Mam eong eyuunit "oneness" eipone lokiswamata kesi. Mam eong eyuunit Yesu koipone kalo ebalatar kesi, "Yesu"; ipu luka Yesu noi. Erai Ejakait Yesu Kristo. Edolit ngin. Kwana, ido mam eong...eyuunit eong ngin kitegelikina kede eipone lokiswamata kesi. Ibatisaete kesi kokiror lokaYesu, kotoma okiror loka Yesu kanu aisiteteunio, ebe "Aibatisaun (aisiteteun) itolomuni Yesu neijai ijo kanuka akonibatisao naka akipi." Mam eong eyuunit ngin. Eyuunit eong ebe ebuni aisiteteunio kanuka Aokot nuka Yesu Kristo kotoma Omoyo Lokalaunan. Edolit ngin. Aibatisao erai bon aswamisiot nakokinga neejai aswam nakotoma naka aisiteteunio naeswamai adaun aswam. Ianyu? Aso, mam eong acamanara kede ngun. Edolit ngin, konye eraas kesi kere ikanacan.

55 Neageunia eong nasodit kwape ekalimonokinan lo Baptist, apotu kopotu kobalas ebe, "Onac Branham, kobua ber ijo lailo, kijaar isio-isio-isio Ngin ido apotu isio adakutu Ngin lailo."

Eong ebe, "Emamei edio kayesi, abwoi eong cut kokiding naka atukono aarei ido kabala ebe, 'Irai oni inacan!'" Mamace anyoeka, mam eong apodo arai mam etunganan ecamanara, mam ngin iswamauni adiolimakineta naka aitegelikinet neajai eong, eroko ngesi erai onaceka.

Kijaar eong onac loemina araito naka apple; eong amina araito naka cherry noi, konye mam eong alosi airengear nges. Epedori ngesi ainyam akeraito naka apple kasodi eong da ainyam akeraito naka cherry. Ido esutakini eong aimul nuka itaok kuju kanakang, arai mam nges ekoto ngin, inyobo, epedori adumun. Ijenete yesi ngun...Inyobo ngin? Ibore yeneunitai yenibwaanakinio kujuke, ijene ijo, "akinyet naecuunitai." Amina eong ngin. Ajai eong amojong kwana kanu ainyam ngin, konye erai e...Konye eong-eong-eong...Ngin nges naamina eong. Arai mam nges emina ngin, mam ebeit nges ainyam ngin. Edolit ngin, anyami eong nakang. Konye eroko ngesi erai onaceka! Edolit ngin.

Ido kwangin amina eong-eong ngin, amina eong eidicane. Konye nakibwaanakina oni ikoruon kwana,

kasodete atemar, "Mam, ediinikosi lo," ido komam ipedori aikunyakini kosodi aijang akanin kede etunganan losiep, kosodi atemar, "Kisirereng Edeke, onac!" Ikatunga! Nen nges kinyara ijo ebe eidicane. Arai mam ijo iswamai ngun, idumuni ijo aliasit ngin naka adwaris bala kwape apotu itunga luka Sumuruna kodumuniata kokau kangina, ido iyangauni ijo ibore ngipengin. Eebo, aso arai ekecekiror "adwaris."

56 Apotu Inikolain kinyikokisi aiputanar ngul awai kiton Aturio Nukamuton. Atur naka Luther abu koyangau aikunyakinet nasodit naka asianut, abu Aica adio kogeu aica. Kolomuni do akaulo kangin, kobuni John Wesley kede aitalaunio, abu kopolor aiyatakin aica mot. Kosodi do aibatisao naka Emoyo Lokalaunan abunore kede luka Pentekosit, ainyakun bobo aiyuun naka lukapapa. Konye mam kes apedorete airic ngin koipone kangol, kwangin ajai do kes ataraun ngol erionget, kosodete do kesi ageun abongor toma Onikolain bobo. Cut becebec nuebala Ebaibuli ebe apote kesi aswam.

57 Kwana, ebeit eong asesen kane arai mam abuni eong adumun...ayangaik eong apak. Alomas ber oni okokoro lokiareit, arai e...erai ngol ekokoro lo 8, 9. Eebo, kwana areo, ekokoro lo 9:

*Ajeni akoniswamisio, aiticaniokon,... ka ikonibakor, (konye irai ekabaran)...(Oo, ikatunga!)  
...Eong... (Kwana ineras Ngesi kede Ekanisa kwana, Ekanisa lokabeit, mere luce; alaitos kesi  
aswamisio nuka Inikolain.)...Ajeni amoromor naka ngul luenyaras bonik Iyudayan, kwabo  
mam eraas, konye eraas atukos naka Satan.*

Kwana, ajaas kesi angurian. Araas kesi luenomitos ican. E...Apotu kodaunitos alemun iboro kere luajaatar kesi. Adukunitos kesi ikecekanisa kwana, ido kwape araar ebe araas kesi itukos yenididi, aponi kirengearai kes kinga. Ido abala Ngin ebe, "Ajeni Eong, ajeni Eong ebe erai yesi airiamunun okonai, iriamununos yesi kokoridon, arai adioboisit kere naepedorete yesi." (Ido ajaunar eong aditono nueriamununos kesi; alosit kwap aipanya nuka okwap kanu airiamun, ka iboro kangina.) "Ajeni Eong ikonican luipu, ido ajeni akonitiokisio, kaceda kwape kangun, konye kitaraunio ijo lokabaran kotoma ocan kangul luipu." Oo, ikatunga! Kolimokinai eong adiopak naebunio areo toma Okanisa, kosodi aitogogong Ngol. Duc itogogongio Ekanisa, kotoma areo. "Ajeni icanikon luipu, konye ibarit." Inyobo? "Isalakisi yesi mamaKang; ibarit ijo. Konye icanikon luipu mam ejaas aimusung ijo."

58 Kwana e...Yesi kopotu komisiikis? Inikolain apotu kodumakisi akecewat atukos kwana. Abala Ebaibuli kwangin kane. Ijo abu komisiik ngin kane kotoma okokoron 9?

*Aibo...anibo...mam eraas, konye eraas atukos naka Satan,*

Uh-huh, aponi koremoroi ekanisa lokabeit kinga. Apotu Inikolain ikamas, kosodete e...apotu kirengeasi itunga lujaas ka Emoyo Lokalaunan, aso kanuka ngun amameotor kesi-kesi ajokis naka ngul. Arai Sumuruna, ko Asia, kojenuunito ebe iboro...ebe edarito kes abokoi nuka lukalaunak luaponi koarai, tikes emaranunito. Ianyu? Kwana, kotoma akiro ace, inyobo...apak naewadikaere adwaranut na kosodete aijukun, kosodi ekanisa aidong ngin, kosodete kesi aanyun ebe apote kesi apak adiopet adumun aboko naka lukalaunak luaario, iyobo, tikes...inyobo, ti ngin itukurian kes erono noi. Amootos kesi ngin adiopak kere. Mam abu kobu kotoma aturikec. Kosodi do aticepak apotu ice kotoma kakesi kotemas, "Eebo, ijeni ijo-ijeni ijo, alimokini eong ijo, ebucarit enabi ngol. Ebucarit Yokana, nges-nges...naarai mam abu kismamaikin oni kane ko Sumuruna." Inyobo, abeit araut ikar akwat ekaulo. Ianyu? Konye nakinerar Edeke idiobore, ejai aitodolikin.

59 Nen nges kitulumoro oni aiyuuniwok, kanepokane cut kotoma Akirot naka Edeke. Ericit Edeke nginisumunet. Mamace...Ipedori ijo aoomoo ebe ekoto iswamaun kanepokane cut, konye aticepak mam ngin erai apak naka Edeke kanu ngin aismamaun. "Konye Akakirot mam ebonguni neKang epalapat, konye itodolikini ngun nuijukunitere." Ejai duc Edeke ayongakin Akekirot, ido kotoma apakiKe Obe nakajokan ebuni aisak.

Aso arai itunga lu, ekanisa losodit, konye kotoma okanisa kangol ajai einono loabeit alomun kotoma okanisa loka Sumuruna ekaulo. Kwana, abeit do kes aitanapio aboko naka lukalaunak luaponi koarai, luipu kotoma kakesi abeit aario.

60 Kwana kalemutu ber oni e-ekokoro lo 10, kwape kisiomio oni lo:

*Sirikiyong nukidoikinet (atukos naka Satan) aisirieb ijo; koany, elosi Satan acakakin ice  
kayesi aidaris, tetere kitemio, kiticanio da yes apaarasia atomon: Koraenena lomunot kiton  
atwanare, Eong da ainakini ijo aboko naka Aijar.*

Oo, ikatunga! Aponi kolimokinai kes mam akuriakar aponi konyararaikinai kes atwakare kanuka ekece —ekecediini. Kwana, Inac Wood, kaneijai ijo kere, amuno eong ebe ingarakini na ijo. Ajai inac Wood alimonokin eong apak kaya, mam nges apedori amisiikin kapatan kanukiinyo alakunere ice ido ice mam. Icesawan ekoto ijo ajenun...abu Edeke kolimok itunga lu, "Kwana, mam ikuriakaros kanuka ngun, naarai elosi Satan acakanakin yes toma ngina, naarai Enikolait ngol lomam ibecokina loebunit ido ejai eremonokin yesi toma, naarai alosi Eong acamakin yesi atwakare kanuKang. Konye ainakini yesi aboko naka Aijar kapak kangin." Aso mam...

61 Kwana koany, abala Ngesi ebe...Kwana, arai kimisiik ijo kwape kisiomio ekokoro lo 10. Eong asiom ber bobo Ngol:

*Sirikiyong nukidoikinet aisirieb ijo: koany, elosi Satan acakakin ice kayesi aidaris, tetere kitemio, kisiriebio da yes apaarasia atomon: Koraenena lomunot kiton...(Ijo abu komisiik ebe mam ngin erai kiton apak? Mere kiton apak naka atwanare, konye "kiton karaida" atwanare. Imisiik ijo?)...koraenena lomunot kiton karaida atwanare,...(Ianyu? Ido apotu kesi kiswamata ngun.)*

Kwana abala Ngesi ebe, Satan...Ijo abu komisiik loabu Ngesi-loabu Ngesi kotiak kwape loelosi aswam ngun? Kwana, atukos na naka Satan arai "Inikolain." Ijeni oni ngun. Mam tope arai? Akepolou arai do erionget, esasedotene loajai aikeun nges abeit aitican itunga lu, nges abeit aitican itunga lu, ido abeit kes araut lumunon neejai Eijiri kiton karaida atwanare. Ido abu komisiik kotoma opucit loka edukone? Mere ebe kiton apak nakitiakia atwanare, konye "kiton atwanare kitiakar." Ianyu? Kwana, kiton karaida kede kiton apak eraas akiro nuitegelegela. Kwana, abeit kes araut lomunon neejai Kristo kiton karaida atwanare. "Kolot cut ngaren kiton atwanare kede ngin. Sirikiyong, naarai ainakini ijo aboko."

62 Kwana nu "apaarasia atomon" nuinerai nukec kane, apaarasia atomon. Apaaran kotoma Obaibuli ebwoikinit ekaru. Ido apaarasia atomon araas nuka "ikar itomon" lukawasia luka apugan naka D-i-c-l-e-a-t-i-o-n, Diocletian. Diocletian. Diocletian, arai ngol ekayaiton lokapolon loabu kipuga kotoma awasia... Eebo, ejaas ikayaitok luipu luapotu kipugata kotoma apak naka Atur naka Ekanisa loka Epeso. Ido Nero, acamunit, arai nges. Ido Diocletian lo nges arai lokawasia loabu kipuga, kotoma okar kalu itomon lukawasia, ido arai ngol ekareiton loabu kobuko aokot nuepu kakere kotoma kangul kere. Abu ngesi koyanga ewai kede atukos na kosodete kesi-kesi aiar Ikristayon, kosodete aiar ngul, apotu kicweata ngul, apotu kiswata nginibore kere, ido arai ikar itomon luka areo naka abukor aokot nuipu kakere. Ido apakike ka apuganike arai anyoun okar 302 kiton 312. Abu do ngin kongetak Atur naka Sumuruna, kede aitolomunio naka Constantine. Ido abu ngesi kolom kokar 312, abu Constantine kolom. Araas ngul ikar itomon luka ican luipu. Ido ageuni kede Nero, arai nepetai okaru 64 akaulo naka atwanare naka Yesu neabu Nero ikamara eicolong.

63 Kwana, ekokoro lo 11 erai aisumunet. Kwana ibuni oni ajaun kede ngin eroko egolokina:

*Ngin yenejai akit, kopup nuelimonokini Emoyo ikanisan; ngin yenipikori, mam epilikini cut atwanare nakiareit.*

Kwana, ejai eong alimun icebore kane, ebe kanu apedor...arai aoomoom eong ngin, kotauka, kosodi mam alimun, akepolou arai do eong loka esoswai. Ianyu? Akoto eong ijo amisiikin icebore kane kotoma Naiwadikaere kana, ido aomit eong ebe arai adiopet kotoma akiro nuetapasete eong anyoun neemam kiton neajenuna eong. Kwana asiomata cut ejok, kwana. Ianyu?

*Ngin yenejai akit...(kakiro ace, "yenejai akit kanu airar"; itei ijo, erai nae "engaara neeja Emoyo.")...Kopup nuelimonokini Emoyo ikanisan;...*

Kwana itei ijo, ibore yepeyen, kobuni areo na ka nginibore kere. Nginitutubeteke ikopar toma nginikanisa. Ikanisan.

*...nuelimonokini Emoyo ikanisan; Ngin yenipikori...(Kotoma okanisa ali? Epeso? Eebo. Ejok. Sumuruna? Eebo, kesi kere.)...Ngin yenipikori kotoma okanisan kere mam epilikini atwanare nakiareit.*

Ngin kotoma okanisa loka Laodikia yenipikori inyo? Yenipikori Inikolain, yenipikori iboro luka akwap, yenipikori idiinin lu, yenipikori esasedotene lo, yenipikori nginibore yenika akwap kosodi agwelar, kosodi aminun Kristo. Mam ijo ipilikini atwanare nakiareit. Inyobo? Adumu Aijar Namam Edaun. Mam Aijar Namam Edaun epedori atwanare. Abala Yesu ebe, "Nginikeirari Eong ejaas ka Aijar Namam Edaun, mam etwani cut. Etonyouni Eong nges kotoma apak nawasia."

64 Kwana, kwana, kanen...Kwana, ilosi ijo ai...Ejaunos luipu lumam ecamanaros kede na, konye akoto eong ijo aoomoom cut kagogong eroko ijo kitolomuna asekaretekon. Ianyu? Alosi eong alimun icebore kwana:

Ngin nges apolou mam eong eyuunitor ebe ejai egeena lomam Edaun. Mam epedori ajaun egeena lomam edaun. Naarai korai kojai egeena loma edaun, akepolou ajaenena do sek egeena lomam edaun, naarai ibore yenimam Edaun...Ejai eipone ediopet bon loka Aijar Namam Edaun, ido ngin nges iutakinar oni kere. Ido ebeit ijo ainok ikar kere ido kanuka ikar lumam Edaunos, ekepolou ekoto do bobo ijo kojaatar Aijar Namam Edaun nges enokie, ido akepolou ebuni do bobo araut Edeke enokie. Mam epedori ajaun egeena Lomam Edaun, ido ebala Ebaibuli kaidelele ebe "esubunitai egeena asubun." Ido arai esubunitai, mam do erai lomam edaun. Idiobore yenimam Edaun erai yenimam esubunitai asubun; ajai duc, erai yenimam edaun. Ebala Ebaibuli ebe "Esubunitai egeena kanuka ajokit ka ikemalaikan." Esubunitai egeena, mam erai Lomam Edaun. Ido mam eong ayuunit ebe eponio itunganan aitisilar ikar lumam edaunos.

65 Eyuunit eong ebe itacaunit Ebaibuli kane, ebe, "Ngin yenipikori mam epilikini atwanare nakiareit." Kwana, "atwanare." Akirot atwanare elomunit kanejai a...erai na, erai "atiak." Kwana, nakitiakarere oni kama ejai Edeke, kotoma adiakar, idau oni atwakare; abala Ebaibuli kwangin. Kitiakar oni kama ejai Edeke, kitubor oni awai, kitwaka kotoma adiakar ka aibucanareta; irai do oni ilongwau kanejai Edeke ido kanejai eidicaneKe. Kosodi do nakidumunia oni Edeke kasodete ajaun ka Aijar Namam Edaun, iraun do oni Ikedwe ka atutubeteKe.

66 Ikatelepat ngin yenididi kangina, Yosep, erai atutubeteka, mamace nue...nuiswamai ngesi kere. Nges...Aticepak apedori eong...Epedori ngesi komameotor...Korai ti arai eong etunganan lokapolon lokabaran ido ajaas kede iboro luipu lurumuna, epedori ngesi, irumuni ngesi idiobore kere; konye eroko ngesi erai okoku kwape kwangin, erai ngesi atutubeteka. Abeit cut, erai ngesi atutubeteka. Kwana, mam bobo eong apedori ainger nges kwape mam eong apedoria ainger akakuan, naarai erai ngesi atutubeteka. Itodiari aanyanario naka aokot ebe erai ngesi loka. Ianyu?

Ido ainwakio naka Aokot itodunit arai irai ijo yenika Edeke arai mam. Ianyu? Iraas yesi idwe luka Edeke ido ijaatar ka Aijar Namam Edaun. Konye etau loediakari, ngol nges etiakario. Biai ngin edolit? Akepolou mam do bobo ebuni ajaun. Kwana koany. Idiobore yenajaatar ageunet erai esube. Konye Edeke mam esubunitai, arai duc ngesi Edeke. Emamei aiboisit naesubunitere Nges. Ido eipone ediopet bon loipedoria oni ajaun kede Aijar Namam Edaun nges araun atutubet naka esube kangol. Aibuses! Oo, korai ti oni apedorete aanyun Ngin! Aanyun nuiswamai Emoyo Lokalaunan kanukon? Erai Emoyo Lokalaunan, Ekasuban Elopel, Edeke Papa kotoma ojautene loka Emoyo, loenyaritai "Emoyo Lokalaunan" naarai abu kojai toma akuan naanyaritai Yesu, Okokuke; ebe abu Ngesi kosub Yesu, akuan, ngin nges apolou abu Ngin kotwania. Eboie Edeke kotoma akuan kana naka etunganan, kosodete aicil ikurut yenika aokot, kosodi Aijar nakotoma okurut yenika aokot abongun.

67 Ngin nges apolou alosio ikamaan ngin kotoma Aitutuket Namojong anyouni alosit...anyouni ngesi alosit kede etube ngopengol loajaatar ngesi nakebunio. Konye kotoma Aitutuket Nakitetet, ebalas Iburanian, ebe, "Ikamaan yenadaun aitesegaar emameotor bobo aomisio nuka adiakar."

Kwana, Aitutuket Namojong; ayangaunio imerekek, eperikini ngesi ngin kwap, kidokokini akekanin tomake, ikamaan; kotubi esasedoti emorosing, apupi ngesi aiyii, kosodi airar aisiganar naka ngin. Kosodi ngin atwanare, kosodi ngesi apupun akuan naka itiang kangin egogongor, kosodi atwanare. Ajeni ngesi ebe ebusakinit ti korai nges; abu imerekek koyanga akeiboisit. Ayangari esasedoti aokot, kibwaikini kuju otem kosodi-kosodi apuru apurior kuju, ido arai ngin ailipa naka aitimio kanuka aikamaa-... [Aiboisit naemamei ibore katepu-Ekewa.]...kosodi aijar ngin naka itiang mam apedori abongun neejai aijar naka etunganan kosodi arucokin kede emoyo loka etunganan, naarai erai emoyo loka itiang. Aijar naka itiang ka aijar naka itunganan, mam apedori aswam ngin. Konye neabu e...Ngin nges apolou alomaria ngesi kinga kede eimiel ngopengol loka adiakar, ibore ngipengin. Alomun toma kanu aswam adiakar, kosodi ainakin akesubanit, ido abongor alomar kinga kojai ibore ngipengin aomisiko. Edolit ngin.

68 Konye kane kebu ikamaan...Oo, Ekanisa loka Edeke, mam itwaniari aikamun na! Ikamaan, arai kelot kabait neejai Okoku loka Edeke kosodi kanuka aiyuun aidokokin akekanin neejai Ngesi (Oo, ikatunga!), asesen ngin toma oreeteKe kede aimul ngun ikajas koreeteKe, Aokot eleleete kwap koreeteKe, aipup apipil naka "Ekadeke! Ekadeke! Kanukiinyo+ kijalia Ijo Eong?" Oo, onac, kiany ijo itiai loabu kotwanik ijo, ido Loarai Ngol, Emmanuel, Edeke etwani aiboisitikon.

Inyobodo iswamaun? Ikamaan do, neabwangere ikurut yenika Aokot kotoma Okoku loka Edeke... Inyobo eswamaunit ikurut yenika Aokot?

Inyobo ijo? Irai ijo ikurut idiopet yenididi yenilomunit kanejai papakon. Emameotor aberu ikinyomit yenika aokot. Itolomuni aberu abeet bon; abekunan, ebeit nges airap i-i-ikinyomit. Konye epote aokot kanejai ekiliokit, ngin nges apolou e-eyangaria ikoku ekiror loka papa. Kosodi do, konye, aberu kedumokin ekiliokit, eyangari ekekiror, kanuka idwe; eraun ngesi abekunan naka ikoku yenebuni ngesi aurikin ekiliokit. Konye bala kwape kabalar eong; ido epedori akokor aurun abeet, konye arai mam ejaunia kede ekokor lokiliokit, mam ebekun.

69 Erai ngin, abu eong abala ebe, ngin nges apolou nakijaatar oni kede ikanisan lumojong, luelilim lolo. Alomasi kesi toma aomisioit na naka Inikolain, adumutu atukos naka itogoi luka ikweny luileleba abee nuebositos, ido mam cut ebekunos naarai mam...ipedori ijo aiswamaikin kes idiobore (anyara kes ebe ikaanyanarak, idikonin, ka idiobore kere), mam kesi cut iyuunete ebe aanyununeta atupanakin ikeyuunak, naarai mam kes ejaunar kede Ekiliokit, Yesu Kristo. Arai kipotiikin ijo ekiliokit ngol kede apedor naka Edeke...

70 Neabwangere ikurut yenika Aokot kangina ko Kalvari kosodi Aijar ngin naajai toma ngina, yenadit Yawe...Oo, ibusakinit korai naetirori!

Ijeni ijo, nginitunganan kere emoot aanyunet. Biai mam kes emootos? Nginitunganan ebala ebe, "Oo, kitodikinai eong aanyunet." Ebala Eyudayat, "Kitodikinai eong aanyunet."

Ber eong ainak yes aanyunet. Abu Edeke koinak yesi aanyunet apak adiopet. Abu kolimok enabi, "Abuni Eong ainakin kes aanyunet namam edaun: epotuuni abekot. Epotuuni abekot ido euruni Itelepat." (Amen.) "Eraun Ngesi Emmanuel, 'Edeke ejaas kaoni.'" Aanyunet naeumokina kakere naeinakinitere.

Neabu Edeke, Ekasuban Akuj ka akwap, neabu kiswamauna akolong. Aibwo kokinga kalaije Komoru Palomar kosodi asesen toma ngaren ngina, ido ipedori ijo aanyun ikar imilionin akwatat akaisaarei luka abaagat naka aica. Itedisia ngun kiton araun amairon, ido adepar nen koroko elap, ka aacer, ka akwapin, ido abu Ngesi kosub ngul kere. Abu kisiara ngul awai kakaniniKe, koipone kangol. Eebo!

71 Ido abu Ekasuban ngol lokaumokin koraun Eketajaran. Abu kijesun kwape neejai ikurut yenika Aokot, mere kotoma okilokit, konye abu kobu neejai aberu nabekot; kosodi alemun abeet na kama ejai aberu, kosodi aiswamaikin Akekuan etogo kosodi aiboi kotomake. Oo, ibusakinit ngin-ngin-ngin korai naetirori! Yawe! Yawe, kokuju naka aculuret naka ebolia kotoma awi, emonyi. Yawe, kotoma atuba naka abilo. Erai aanyunet namam edaun, ice kotoma otunga kalu luegogong akwes! Yawe, Edeke emonyi kwape Imukeru (Aleluia!) kotoma aiboisit naeur. Ido oni aomoom ebe irai oni idiotunganan, aikeunit ekonikumes kuju; ebuni aitep, ebuni aitulumoor ijo; kosodi alosit kobala ebe irai ijo idiotunganan. Ido Yawe eperi kangina kotoma aiboisit, kuju naka a-aculuret naka ebolia, komonyi bala yenididi...kwape imukeru idio kere. Ibusakinit korai naetirori! Erai ngin aanyunet. Abala Edeke, "Einakini yes aanyunet namam edaun." Erai ngin aanyunet obe. Yawe, eboliai kwape itelepat. Yawe! Yawe, iswamai kotoma okolero, ipusi abao kwape ekeon. Aleluia! Ikatunga, oo, ikatunga! Yawe, ilosi akeje nuka ikalokak agaria. "Ainakini yesi aanyunet."

"Oo, konye ejai oni ajaut kede lukapolok, ijeni ijo, kede ikaason ka ausiok kere, ka akaadala, ka..." Ianyu? Oo!

72 "Ainakini yesi aanyunet namam edaun." Yawe, ebwoi kotoma alaro naka ekooti kede aimul koreeteKe. Yawe, kitenaritari komameete igoen, kotoma akuan, kiding naka Akuj ka akwap. Abu komwang ileic luka emusalaba. Kijaar oni akeput kangina kede aidipaacit eenikitai arimor Nges; naarai ekakeon aputosia nges iswamat ngin. Aponi kolacarai Ngesi inapen, kisurumata Nges ileic! Oo, atukos ngin naka luesoswai kedolu esawa ngol! Na nges apak naka etunganan, apaaran naka abunore naka Ejakait. Yawe! Yawe etwani, eebo, emamei ibore yenabu kiswamaun. Yawe, kilipi, emamei ibore yenabu kiswamaun. Umm. Edolit ngin. Ibusakinit ngin korai naetirori! Erai ngin aanyunet namam edaun. Erai ngin aanyunet naejenunete itunga kere. Kosodi Ngesi atwanare, abu Yawe kotwana. Kosodi akwap ageun amaran. Oo, ikatunga!

73 Kosodi ajarun kates kosodi adokar toma Akuj. Yawe, ebongori kotoma adoketait naka Emoyo Lokalaunan kanu aijar kotoma Okanisake, kakidingos naka Itungake. Aibuses! Yawe, elosi kotoma okanisa, emisiikini aomisio nuka etau. Yawe, kitangali lukadekak. Yawe, kinera kotoma aituke kiton neemameotor bobo etunganan apedorike elopet. Yawe, ebonguni kotoma Amusugun ka aijul ngun. Ijo ikoto aanyunet? Amen! Abu Yawe ngol kobu neejai amalayat, aikeun nges kuju, neajaar ngin kwap-kwap noi-kwap noi kiton neemam ingwoko da aseseniata nges, kosodi ailotar nges kokwang kwape akako kosodi ainakin nges etau loipiorori kwape apecelit. Oo, ikatunga! Yawe, alemun ekameran eperi kangina kokorido ido icuc kaitukuke kere, kosodi ainakin ngol alimonokin Eijiri...?...Aokot nuka Yesu Kristo kitalaunete oni!

74 Neajaar Ngesi toma akwap, abu Ngesi kijesar oibuga lokwap kakere loajai, ido neejaas itunga luka okwap kakere luajaas, ido aponi koinakinai Nges ekiror lokwap kakere loajai. Edolit ngin. Aponi koyaitete Nges erono noi, kosodete anyara Nges ekiror loaronon kakere loapedorio anyara, "Ebelesebul," ejokit. Lokwap kakere loapedorete kesi ainakin Nges, etunganan ainakini Nges.

Konye abu Edeke kitonyou Nges, kosodi ainakin Nges Eicolong loikiara noi kiton naerar Nges ailur kwap kanu angoliar Akuj. Amen! Aibuses! Kosodi ainakin Nges Ekiror loepol adepar nginikiror kere loelimunitere kotoma Akuj ido kotoma akwap, ido ekal kere kotoma Akuj ka kotoma akwap, emaikitai Ekekiror. Ngun kes nuaomit etunganan nuikamunitos Nges; ngun kes nuaomit Edeke nuikamunitos Nges. Wu Edeke, koraunos akaomisio kwape kanuKon, Papa. Eebo, ipa. Wu Ekiror loketiai!

75 Kwana, "Ngin yeniyuuni Eong ejaas ka Aijar Namam Edaun. Kwana, arai ejai eipone ediopet bon loka Aijar Namam Edaun, kosodi ijo adumun ido ijai oni amoot kotoma Yesu Kristo, ngin nges Aijar naka Edeke. Aso neabwangere ikurut yenika Aokot kotoma Okoku loka Edeke, kosodi Yawe ngol loarapakinitai toma naka Etunganan loanyaritari Yesu (konye kotomaKe eboie aileleba kere naka Edekeone kotoma akuan), ido kwana nekicamuna oni Aokot ngun kanuka aisionio naka adikanaretawok, Emoyo ngol loajai toma mere otunganan, konye neejai Edeke...Aibuses! Abala Ebaibuli ebe, "Aokot nuka Edeke."

Abala icetunganan ebe, "Kiitunitos yesi, Nges...Mam ilimuni idiobore yenikamunit Iyudayan, naarai arai Ngesi Eyudayat." Mam Nges arai Eyudayat. Mam Nges arai Eyudayat karaida Emoit, arai Ngesi Edeke. Edolit ngin. Arai Ngesi Aokot nuasubunitai. Abu Edeke kosub ngun kitegelikina. Eraas nukeng Obe, ido kotoma Aokot kangun nuasubunio icamuni oni Ngin kwape aitimositiwok naarai abu Ngesi kotwana atwanare kanuwok. Abu ikurut ngin yenika Aokot kobwangar, kolacuni Emoyo ngol Lokalaunan abongun tomawok, ido kwana irai oni odwe ka adwe nuka Edeke kotoma aurio naka Emoyo. Kosodi do Aijar narai naka Edeke, naamemeotor ageunet arai mam da ebuni ajaun kede angeset, erai naka ka nakon kanuka

asianut naka Edeke kotoma Yesu Kristo. Ikoni nen.

76 Kwana, "okatwak," ibuni oni abongor kau neejaas ngun ipak edit. Elimokini eong yesi ebe-ebe mam epedori ajaun...Mam eong eyuunit egeena loenokie. Eebo, ipa, abala Ebaibuli kwangin, angolol naka akim. Kwana, konye mam ngol epedor araut loka ikar ker-...mam epedori araun Lomam Edaun, ebala ebe egeena (loka ikar kere."Kwana, kitemonokinitai kanuka ajokit ka ikemalaikan; egeena loka ikar kere, mere Lomam Edaun. Kwana, akaulo...Aticepak iticanio emoyo ngol kangina kanuka akeswamasio adaun ikar imilioni itomon, kes nuajeni eong. Mam eong ajeni nuepedorete ikar kere araut kotoma asesen naka Edeke. Epedori korai adaun ikar idakikan ikany, epedori korai adaun ikar emilioni, epedori korai adaun ikar imilioni itomon, konye ebuni apak abunore naenangakina emoyo ngol ajaut.

77 Nu kes nuebala Ebaibuli, itei ijo. Itei ijo:

*...Ngin yenipikori mam epilikini atwanare nakiareit.*

Atwanare nasodit erai atiakar kama ejaas luminanawok. Ilosi oni toma Akonyen nuka Edeke, mam bobo cut anyoun kinga naka Ajakutuke. Ianyu? Kwana, arai ejai atwanare nakiareit, akepolou ebuni do araut atwanare naka emoyo. Kosodi do ngin yenipikori akwapin, arai aipikor iboro luka akwap, ejaas ka Aijar Namam Edaun ido mam ebuni atiror atwanare nakiareit. Ikoni nen, Aijar Namam Edaun. Konye i-ikadiakanaran...Abala Ebaibuli ebe, "Aberu naeminakitos aboliasio etwanit karaida eroko ejari." Edolit ngin? "Etau loediakari nges etwani." Inyobo atwanare? "Atiakar" cut, "mam bobo aiyatakin." Ianyu? Kwana, alemar, abeit ngin. Alemar cut, emamei bobo ibore neejai ngin. Eyangaikini bo aojau naitia ai kanu aswam ngun? Ebuni alosit aitor toma orot ngopengol loalomuna toma, ido ebuni adolokin toma adoketait kiton neemam ejaunor idiobore yenideuna kanuke. Ebuni cut abongor neejai ibore yenesubunitere.

78 Ipedori oni alemun ikurut yenaijar, kosodi aitiak ikurut ngin kiton arau ikurut ice, kiton ikurut ice, kiton ijo abongun neejai ikurut yenisodit; aitiak ngin kiton araun ikurut ngin, aso idumuni ijo aijar naka aokot; idolokini ijo toma okur luegelegela luka aokot, ido idolokini do ijo neejai itutubet yenididi kotoma okurut kangin: aijar ngin. Mam kes epedorete adumun ngin. Mam kes ejenete idiobore yenikamunit ngin. Kwana, ebuni aijar ngin adolokin toma aiboisit kiton naemameunor bobo; nueraas ikur luka aijar kangin kere, mam eong acamunit ebe ejaatar ediokurut. Ebuni araut nakomoyo.

Kosodi do, kotoma ngin, awasiake ebuni angetakin atiakar cut komam iyatakin ajaut bobo. Ngun kes nuabala Ebaibuli, "Etau loediakari nges etwani." "Ido ngul luipikorete kotoma atur kana naka ekanisa kane mam epilikini atwanare nakiareit." Akuan egeuni atwanare nasodit, kotupakini emoyo atwanare ido mam bobo ebuni atakanun. Ianyu? Erai ngin...ijo iyuunit ebe erai Ebaibuli nges inera ngun?

79 Kwana kiitu, arai erai egeena Lomam Edaun, akepolou ibucarit do Ebaibuli neabalar ebe "esubunitai egeena." Kosodi do arai elosi etunganan ainok akim ikar lumam edaunos, kotoma ogeena, akepolou ejaun do nges ajaut kede Aijar Namam Edaun ajaut kede aijen, kanu anoki. Biai ngin edolit? Eebo, adokena amwaasi ai nuka Aijar Namam Edaun ejaas? Adiopet. Edolit ngin. Aijar adiopet bon Namam Edaun.

Kwana, mam inyouni alosit kasodi atemar atiar, "Mam Onac Branham eyuunit ebe ejai egeena." Iyuunit Onac Branham ebe ejai egeena. Isisianakini Ebaibuli ebe ejai egeena. Cut ejok noi kwape kejaar a-aiboisit naka aiyengun, ejai aiboisit da naka-naka aitanio. Ido abeit cut ebuni Edeke ainakin etau loediakari kamaKe aitisilario. Ido kanu ainger Yesu Kristo kwape ekonitajaran, iponio ijo kaitebeikin aitisilaar kanuka ngin. Konye ebuni ajaun apak naamam bobo ijo ibunio ajaun. Konye ikar imwaas ai ebuni ayangaikin kanu ijo abongor neejai ngin, mam eong ajeni. Konye acesawa...

80 Ijai ijo apak naedit kiton nakiurunere ijo irwan nakiareit, koraun do ijo isubat yenijari apak Namam Edaun. Ido eipone ediopet bon lokipedoria ijo adumun Ngin nges ajaun kede atutubet naka Edeke kotomakon, kwape eraar Aijar Namam Edaun. Yesi isesenete ngin? Abeit cut.

*Ngin yenejai akit, kiira nuelimonokini Emoyo ikanisan;...*

Amina eong Nges. Biai ijo? Eyalama eong noi kanu ajaut ka Aijar Namam Edaun. Mam ngin itapasi eong bobo, naarai ebe kijaar oni Aijar Namam Edaun kwana. Ido ajeni eong ngin, ido amuno eong ebe ebuni ngitunganan ajaun kede Ngin, oni kere.

81 Irenaesus, eebo, abu eong ajaatar iwadikaete ne yenekamunit Irenaesus, aapie nepetai, "aisiom akiro nu nukolo." Ebe apolou nasekunere Irenaesus erai naarai ebe ajaatar ngesi aanyununeta nuka Okanisa lo Pentekosit (nukolo) etupakinito nges.

Kwana arai abu Edeke...Imwaasi bo ai iyuunitos ebe abu Ekanisa kogeun ko Pentekosit? Eebo. Imwaasi bo ai iyuunitos ebe abu Edeke kocam Ekanisa ko Pentekosit? Eebo, ipa. Ido arai abu korai Ekanisa losodit loka Edeke, ido ngol nges abu Ngesi konyara ebe "Ekanisa," ido erai Ngesi Emusabibu kwana, irai oni atenun, arai kitolomu Emusabibu acetenu, ebuni araut inyo? Pentekosit. Eebo! Kwana, aticepak mere kanuka ekiror. Kwana kijaar oni ikiroria luko Pentekosit, konye mam ngul edeparitos Methodist, Baptist, Presbyterian, Pentekosit. Mam ngun eraas ibore, itei ijo, erai ngol ekiror bon. Konye



bon ebe ijaatar ijo aijen naka ngun nuapotu kiswamaunos ko Pentekosit kotoma otaukon, Pentekosit kotoma omoyokon, einakini ijo Aijar Namam Edaun, akepolou isumunikit do Edeke ijo ebe, "Mam cut ijo kitororio atwanare nakiareit," ebe, ijaatar ijo Aijar Namam Edaun ido mam atwanare nakiareit epedori atiror ijo. Ianyu? Ijaatar ijo...ikoni...

"Sirikitakadikis Emoyo Lokalaunan loka Edeke." Kwana, mam itakadikini Ngol (aswam iboro luaronok). Arai kiswama ijo ngun, ibuni ijo aitac kanuka ngun; naarai abala Ebaibuli ebe, "Sirikitakadikisi Emoyo Lokalaunan loka Edeke lokolo kipicakinere kiton apak naka alakuniokon." Biai ngin edolit? "Sirikitakadikis Emoyo Lokalaunan."

82 Oo! Elosi araun apak nakaumokin, acetupuruc, adiopet kotoma apakio kanu. Kitodikini ijo ebe elosi ajarun araut naka akwap kere, "Ejaunos iarei omanikor, ido ayangari idiopet; ido iarei kojamu, ido ayangari idiopet." Itei ijo, ebuni araut akuar kaiboisit adiopet, ido apaaran kowai kaje loka akwap; eraun ajarun nairiami akwap kere, Aupoorio. Eruikini arupepe naka Edeke, ido ngolidiopet kotoma kalu, luka okanisan kalu, kane, kane, karaida atukos ngin nabu kitor toma ngina, kosodi alomun kane, kane, kane.

Neabu abekot ngin, abekot ngin nakeanyunia kotoma akwenyunet naikanyetekaarei ebe...Kwana, kiitu, ajaas abekono akanyaare. Biai ngin edolit? Arai, apeleikinit eong, abekono akany apotu kolototo... Abekono atomon apotu kolototo airiamun ka Ejakait, akany araas nukacoa ido akany araas nuabangaaka. Biai ngin edolit? Ido kwana, kotoma akwenyununeta da, ajaas akwenyununeta akanyaare. Ido kotoma angeset naka akwenyunet naikanyetekaarei (apotu ice kojotoros kotoma akwenyunet kana, na, na, na, ka ngin,...), akwenyunet naikanyetekaarei, ajai eporoto loabu kiworo, "Koany, Eteran ebunit, kolototo kisiriamata Nges." Konyoutu kinokokisi akecetalai. Kokwenyutu nuce da nu kere kotoma kane. Oo, mam kereka ngin eraun apak naeumokina!

83 Oo, atamit oni awoere ekosio lo:

Erai apak nakaumokin kanukon,  
Eumokina bo lolo biai apak ngin kanuka;  
Arai kikapanakani oni kere airiamun ka Yesu Ekabakawok,  
Ebuni bo araun apak naejok biai.  
Kane, aanyutu ber oni arai ipedori oni awoere ngol:  
Apak nakaumokin kanukon,  
Apak nakaumokin kanuka;  
Arai kikapanakani oni kere airiamun ka Yesu Ekabakawok,  
Ebuni bo araun apak naejok biai. (Mam kereka ngin ebuni araut naeumokina?)  
Oo, mam kereka ebuni araut naeumokina,

Komameete alangirusio nubwokon?

Ayoere kalakara koruosi ikidei kere lukotau,  
Oo, mam kere ebuni araut naeumokina?

84 Imwaasi bo ai kayesi ijenete ebe ipote yesi adolore ore? Imwaasi ai kayesi ejenete ebe ipote yesi alomar kinga naka ekek kangol? Mam ijo ijeni. Imwaasi ai ejenete arai kiloma ijo kinga ebe ibonguni bobo ijo alomun toma? Mam ijo ipedori ajenun. Aso mam icamakini akuar na ibiror; mam itukurwori Edeke kotoma akuar kana, naarai aticepak epedori na korai akuar nakawasia naijaunor ijo kede apak arai arereng. Ingaibo ijo, ejaas ber ngun da? Aibo ibunitor ijo? Aibo ilosi ijo? Eitabo ediopet bon kotoma akwap nges epedori alimokin ijo ngin, nges Ebaibuli loisirerengitai lo. Ido ngol nges Ebaibuli loiyuunit oni, ngol nges Edeke loiyuunit oni.

Ido arai mam ijo ijai toma Ateran, toma atukos na naka itunga idis, kokwap kalailo lolo loeridakinitos italesio ka idiinin, kaiceda, arai-arai-arai imamei ijo kotoma atukos kangin nadidi...Kwana, mam ekotokin ijo alomun okanisa lo, mam ekoto ijo alomar neejai idiobore, ekoto ijo aurunio toma Akabakanut ngin. Kwana, arai ikoto ijo amor eidicane ko Methodist, Baptist, Presbyterian, neikotor ijo kere, ikamunitos ngun ijo. Itei ijo, ibwaik ijo eidicanekon kede idiotunganan kere yenikoto ijo. Konye alimokini eong ijo ibore idiopet: kiurun ijo irwan nakiareit, ijeni ijo, "ikweny luka ajul nueputos..." Ikatunga!

85 Abu icetunganan kengit eong apak adiopet, ebala, "Onac Branham, abu ijo kolimok itunga ngul, 'Kobongosi okanisa loka Methodist'"

Eong ebe, "Abeit cut ba. Kocakutu kesi ngul kinga, kosodi kes amameikin aiboisit naaloton." Kwangin ianyuni do oni...

Edolit ngin, kobongosi, mam ebuni adaun aojau, itei ijo. Mam ebuni adaun aojau naepol, epote kesi abongun cut ne bobo.

Ijeni ijo, apak adiopet ko...Noa...ataker, aiboisit naka ayuara, Noa, ajai akalele nati nabu kojaun. Ido kanuka ngun abu Noa inyaka ekuruk kinga naka ataker, ido abu ngol kolot ngaren emonyi ido kongolongoloi. Inyobo, esimonikina ngesi, naarai arai ngesi ekanyaman akiring kageunet ber sek. Apedori

ngesi aipor anyoun akuan adiopet natwan, kosodi ainyam akoik ileleba naka asigiria, kosodi alosit ngina neejai lo-neejai amerekek na kosodi ainyam akoik ileleba naka ngin, ka icebore, neajaas iponesio kere luka awat nukatwak eperete arimorit.

Aso ebuni ekuruk iboikin kwap ngina aiboikin kosodi aimony irimirimi kobala ebe, "Esapat ajai eong aswam eyubili kere eong elopet!" komonyi kolosi.

86 Konye naketolomarere ajele kinga, arai ngin esube loetegelikina. Euria ngol, nges "mam apedori atitingikin. Umm!" Inyobo? Emameotor ajele adiopuniko; nges bon nges ikweny yenemameotor apuniko. Mam nges apedori ainyabuk ngun, aso ibore idiopet bon yenapedori ngesi aswam nges abongun ataker kosodi aikungungoikin ekek.

Kolot ber ijo adioboisit naikoto ijo kere. Ibore idiopet bon yenelipit eong ijo aswam nges alomun toma Akabakanut, ido ajeni eong neibun ijo alosit. Mam ijo ibuni atitingikin ngun bobo, onac, ibuni ijo atemar, "atub eong ekokoro loetiakit, ajalak eong akwap na kokau." Eebo, ipa. Abeit cut ngin.

87 Oo, atukokina kes agoola nakokuju,  
 Ilipete kere Kokirorike,  
 Aponi kes kere kibatisai ka Emoyo Lokalaunan,  
 Kosodi apedor naka aijaanakin abunore;  
 Kwana nuabu Ngesi kiswamaik ngul apak ngin  
 Iswamaikini ijoda ngupengun,  
 Eyalama eong noi ebe apedori eong alimun ebe arai eong idiopet kakesi. (Ijo mam iyalama?)  
 Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi, Aleluia;  
 Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi.

Imwaasi bo ai iyalamas kanuka ngun atibong na? Oo, ikatunga!  
 Kobua, onaceka, komou arereng na  
 Naebuni aitesegar ekonitau kama ejai adiakar,  
 Naebuni agwetakin ikidei luka aiyalama ageun aruo  
 Ido ebuni aidarit ekonitau kolikani;  
 Oo, enokie kwana kotoma otauka,  
 Oo, aibuses kojai Okirorike,  
 Eyalama eong noi ebe apedori eong alimun ebe arai eong idiopet kakesi.  
 Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi, Aleluia;  
 Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi.

88 Kwana kwape kiwoio ekokoro loetupakini, akoto eong yes aiyoganakin, kwape kiswamata yesi nginikuar, kere luka Methodist, ka Baptist, ka Presbyterian. Kiyoganakinosi idiopet kayenice, ido koraas da luipaperoko ejok kiton anyaka iboro luenyakao yenika idiopet, arai ipedori ijo. Kwana koraun cut ejok, yenipaperono teni abeit, korai yenepatana aupar kwape kiwoio ngol:

Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi, Aleluia;  
 Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi.  
 Karaida mam itunga aticepak epedorete araut luisisiatos,  
 Arai epoget kanuka ajenara naka akwap,

Adumutu kesi kere Pentekositikec,

Kibatisatai Kokiror loka Yesu;  
 Ido ejaas kwana alimonokin, luelwaka ka luisiarakina,  
 Ebe eroko Akepedor ikoni nepenen,  
 Eyalama eong noi ebe epedori eong alimun...

Kwana awooto cut ngol cut ejok:  
 Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi, Aleluia;  
 Idiopet kakesi, arai eong idiopet kakesi,  
 Eyalama eong noi ebe apedori eong alimun ebe arai eong idiopet kakesi.

89 Bia ijo ipedori okoto araun lokalaunan loeaario kanuKeng nepepe kede itunga luko Sumuruna? Arai kedoliki toma adoketait naebitor ijo atereikin kede atwanare arai mam ainyakar ngin, ijo itereikinos kede ngin? Eebo, ipa. Wu Edeke, ebuni araut aiyalama. Eebo, ipa. Ngol nges eipone loakotor eong alosit, cut

kolutaari. Edolit ngin. Aomit eong ebe adum eong ido abeit kesi adumakin eong ngin ko Germany kane pac. Oo, abeit kes ainom eong kede emuudu kotoma osawa loka akuar, kosodete isirikaale luko Germany alukun eong airimor kasodete ainyakar kau koipone kangol. Abu eong aomoom ebe, "Eumokina bo lolo ti biai atwanare kanuka Ejakaitika cut kane koisawe." Oo, ikatunga! Erai-erai ibore yeneumokina biai.

90 Eebo, eong ber awoik yesi ekosio. Biai awoikisi? Yesi ijaatar-yes ijaatar apak kanuka ikosio idio bon? Eebo. Mam eong apedori aiwo, enera eong ngol einer. Oo, akoto duc eong awoere. Ido ace kotoma apaarasia kanu kidoloto yesi orekus lominat loti kokuju kangina ko Paradais, kokwap kalaije kangeset naka amagoro kokwap kangina, neebunio Russel Creech keong ajaun kanuka amej kana, ijeni ijo. Kokwap kalaije kangeset naka amagoro ejai agoola kalaije naewoenenei Onac Neville nuke, kodukokinai eong agoola okoona, (Aomit eong ebe enera ngesi nuikamunitos aikaiboisit)...kotoma akwap naka aibuses. Adiopet kotoma atupurucio kanu nailomaria ijo kinga toma agoolakon nakapolon kangina, kosodi angolongol koipone kangol, kokwap kangina kokoona ipupuni ijo icetunganan ewoi:

Asianut nakaumokin, eipone loejjimar eporoto,  
Loabu kitajar ekaronon kwape keong!

Ibala ijo ebe, "Eebo, kisirerengitete Edeke, abu Onac Branham lomojong kopedo. Engol ejai nen, apupi eong nges ebwoi kalaije kwape kwana, ewoi Asianut Nakaumokin."

Ebuni araut asianut nakaumokin nges ayangauni eong ngina. Edolit ngin.

91 Konye itoni kede aokot, eebo, (Ngin nges apolou ajaar eong alimonokin Nu.) itoni kede aokot, Eijiri lo loka Emoyo Lokalaunan itoni kede aokot, Aokot nuka ikiyakia luapotu kotwaka kanuka Abeit, Eijiri lo loka Emoyo Lokalaunan itoni kede aokot. Losodit atwanare kanuka ainapetai kana naka Emoyo Lokalaunan, Arai Yokana Ekebatian, konye abu kotwana bala etunganan; Kotupakini Ejakait Yesu, aponi kibubwoi Nges, Abu kisisianak ebe abuni Emoyo Lokalaunan aitajar itunga kama ejai adiakar. Ajai Petero ka Paul, ka Yokana loka Edeke, Apotu koinakis ajarakec tetere Eijiri lo iliacai Apotu kinyalata aokotokec, bala kwape inabin lukolo, Tetere Akivot naka Edeke epedorio alimonokin ka amunomut. Ejaas imoyon kwap naka etem, (itunga lu luapona koarai kanuka Eijiri) emonyete, "Toni iwori?" Kanu Ejakait aitisilar ngul lueswamata erono; (Kopupok! Katipet!) Konye epote aiyatakin luipu luepote ainakin aokot nuka ajarakec Kanuka Eijiri kalo loka Emoyo Lokalaunan ido erai akalele narengan. Itoni kede aokot, eebo, itoni kede aokot, Eijiri loka Emoyo Lokalaunan itoni kede aokot, Aokot nuka ikiyakia luapotu kotwaka kanuka Abeit, Inyikokinit Eijiri loka Emoyo Lokalaunan aiton kede aokot.

92 Oo, elosi ajaun...

[Ogeuni Inac ace einer kotoma angajep ace, koinakini onac aijulunet. Kinera onac ece kotoma angajep ace, kinera inac ace kotoma angajep ace. Aiboisit naemamei ibore katepu. Koinakini onac aijulunet-Ekewa.] Aibuses. Amen. Amen. Umm. Umm. Aibuses. Amen. Eebo.

Amen. "Ngin yenejai akit, kopup nuelimonokini Emoyo ikanisan."

Amina eong Nges...

Komaa kwana, koany nuebuni Ngesi aswam. Arai mam ijo iminunitor Nges lem, ijo ipuda aminun Nges kwana? Ijo ipedori anyoun aibwo kosodi ajenun Nges, koyanga Nges kwape Eketajaranikon?

...eong, (Kisireng Edeke ijo, onac.)  
Kosodi aita-...

Enyouni icetunganan, kobala ebe, "Akoto eong Nges, kwape kwana, akoto eong aminun Nges?"  
...-tajario

Kokitoi lo Kalvari...

Kisireng Edeke ijo, inac. Kisireng Edeke ijo kokau kangina, amucalat nadidi.

Amina eong Nges...

Ngin yenejai akit, kopup nuelimonokini Emoyo ekanisa.  
...Abu Ngesi ageu amin Eong

Kosodi aitac akaitajario  
Kokitoi lo Kalvari.

93 Papakosi lokotoma Akuj, kwape kisesenia Ijo iuni lu ebwoete kakejenekec, Wu Edeke, elipit eong Ijo ajaun kede aitim, Wu Ijo Lomam Idaun, kosodi ainakin kes aitimio kanuka nginidiakar, ka aitajario, Emoyo Lokalaunan kotoma aijarakec, tetere mam atwanare nakiareit etirori kes. Amisiikisi kesi, Ejakait, atibong na, kwape kebwoata kesi kangina, ebe-ebe ejai ibore yeneyapie noi. Ainaki Emoyo Lokalaunan aikwenyaret. Asesen Emoyo Lokalaunan ibirun akidingos naka itunga. Asesen Ngol iswamai cut kwape ejaar kotoma Nuiwadikaere, aisirareta auni bon kosodi agolokin. Wu Edeke, aisiraret neejai nginitunganan.

Kwana Papa, ilipi isio Ijo kiraun losiana. Kiboikin Emoyo ngol loketiai kakidingotokosi. Ayongakisi isio Ngol, Edeke; koinakinai ngin. Koyanga itauon lu toma aiboisiKon naka ayaura, Papa, eraasi kes araito nuka Aisiraret kana atibong na, ka nuka aisiraret naka Emoyo Lokalaunan naponi koinakinai kakidingosikosi. Ido ilipit isio, Papa Edeke, ebe ijaun Ijo kakes apaarasia kere nuka aijarakec. Kosodi da "kotoma akwap naemamei esange" eriamunos isio kakesi kangina, kitajaritai kanuka Aokot ka asianut naka Kristo. Kiinakini isio kes neijai Ijo kwana, Papa, kileleb kes kede Ekonimoyo Lokalaunan. Naarai kilipi isio Kokiror loka Yesu. Amen.

94 Kisirereng Edeke yes ikanacan. Idio kere yenejai osiep naka itunga ngul luibwoio oni, Ikristayon, kiyoga kes nakiboikinotor kesi kwap, koinak kes...komunokinor kes ajokis naka Edeke.

Itei ijo eipone loerimanar Emoyo Lokalaunan, eipone lokiswama cut kangeset? Ianyu? Abala Ebaibuli ebe, "Koraunos...ngul luineras kede angajepa koraunos iarei, arai mam...luipu kakere iuni." Itei ijo. Aisiraret mere kotoma apak naenerar eong, akaulo naangetakinor. Kwangin nges ebeitor ajaut, nginitunganan kere iyapaara teni abeit ido kopupokinite nuinera Emoyo. Aso inyobodo abu kiswamaun? Apotu ikadiakanarak konyoutu kanu aitoronokin. Oo, koomoom ngin. Emoyo Lokalaunan elopet, mere alemun ngin...karaida kotoma Akiro, abu kobu kosodi aitodiar.

Ajeni eong ice kotoma otunga kalu luineras kotoma angajepa, ajeni eong kere iuni kakesi luapotu kinerata; ido ajeni eong-eong luapotu koinakis aijulununeta; ajeni eong ebe emamei aijarakec adiakar kakonyen nuka Edeke. Onac Neville lo, ecokioniwok, ejaanakinan lo Methodist; ejaanakinan ngol iboie kalaije, Onac Jackson, ekalimonokinan ece lo Methodist, abu kodum Emoyo Lokalaunan. Edolit ngin, kede ainakinet naka angajepa ka aijul.

95 Ido komisiik ber ijo eipone loiijaatar oni ekanisa, nginitunganan iyapaara; inera Edeke. Ianyu ijo eipone loinerar Ngesi cut bebec kwape ejaar kotoma Obaibuli; ediopet; arai mam aisiraret engatakin kanepakanen, ebongokini bobo Ngesi einer, konye mam Ngesi ebuni einer adepar irwanauni; itei ijo, kwape ejaar kotoma Nuiwadikaere. Itei ijo, einakini Ngesi aisiraret ngin; mam Nges iweniwonikini ngin, "naarai emoyo loka inabin erimarit inabin." Nginiore kere kopupokinite ido kaililing...

Kwana ngol nges eipone loebeitor ekanisa kojai toma ainapeta. Neijaas yesi itunga luijaas ne koponitos kokinga, etiono einer ngin, eipone ngol nges ebeitor kojai. Elosi aisiraret ngaren. Itei ijo nuetakanunete? Iswamaun kosawa ngopengol. Iswamaun icebore, cut bebec kwape bala amisiikin aomisio arai ediomoyo kere. Mam kereka Nges eumokina? Oo, eyalama eong noi ajenun ebe ibore ngipengin yenabu Lokalaunan Paul kopesik, kanepokane cut, mam etwanit cut kanepokane. Eroko erai ibore ngipengin. Oo, eyalama eong noi ebe apedori eong alimun ebe arai eong idiopet kakesi. Ijo mam iyalama? Eebo.

96 Kwana, moi kuare osawa ediopet, ijai oni aisisia atur naka Laodikia, ido erai ngin atur naka edukone. Akoto eong ijo abunore arai ipedori ijo. Abu eong eyapite mot atibong na, naarai aticepak Emoyo Lokalaunan inera kaceda. Konye eroko esawa ber, erai bon nepetai idakikan akaisaarei atuboros kosawan iuni. Ido duc ajaunun eong ne osawan iwongon arai ikany, aso elingakina ngin cut abeit kane. Aso yesi inumunumete a-a-aisiraret naka Ejakait? Abeit cut? Ngin ejai aitan ekonitau.

Kisirereng Edeke yes, ikadwe. Ijeni ijo, amina eong yes kede ekatau kere. Ido acepakio naekamuna eong Emoyo, etubi kere...Eipone ngol nges ejaar Akiro, ekwana bala ekileng loekwana iwaitin iarei. Etubi ngaren, kau, toma, kinga, ngoliwai kere. Konye ngin nges ikepi oni. Akepio elemari amuny nailamara, iboro lumam ibusakinit oni ajautor.

Kwana, akoto eong yesi ajenun. Yesi apotu kopuputu Emoyo kotoma aijulunet atibong na? "Kojalakisi abanganut ngin!" Ekepari ngin. Koraun lomunot! Oni kere icetonor kokokoro, konye ejeni Edeke eipone loka akepanar amukuran awai kamawok. Biai mam? Abeit cut kiswamai Ngesi ngun. Eyalama eong noi kanuka ngin. Biai mam ijo iyalama?

97 Ijo irai ikaraman apiano? Mam eong etei...Anibo Teddy...? Mam eong etei ngol kane kadioboisit. Biai-biai na...? Eebo, inac, arai ipedori ijo. Biai akokukon ngin, Onac Daulton? Inacike aberukon. Eebo. Amucalat najokan noi, eyalama eong noi ebe irai ijo Akristayot. Eebo, anibo ekosiowok lokajokan loka atwar? Atamakisi ber oni ediopet, napekeroko oni kiswama ngun, kwana. Ipak edit ber, inac eroko oni

ewoikina ekosio loenyarita ebe, Kouparos kede Ekiror loka Yesu.

Imwaasi bo ai ejenete ekosio loenyaritai Sirikimurwok Ailip Naka Okal? Imwaasi bo ai ilipenenete okaliakus, ilipi ekalekon? Oo, ejok ngin. Atamakisi ber oni ngol irwanatipet, kwape kolo kwana:

Sirimurwok ailip naka okal,  
 Ekoto Yesu airiamun kajo ngina;  
 Ebuni Ngesi ayangar aiyalongongokon,  
 Oo, sirikimurwok ailip naka okal.  
 Yesi iminas ngol? Atamakisi ber oni bobo:  
 Sirimurwok ailip naka okal,  
 Ekoto Yesu airiamun kajo ngina; (Ijaatar ijo airiamun, kwana.)  
 Ebuni Ngesi ayangar aiyalongongokon,  
 Oo, sirikimurwok ailip naka okal.

98 [Kotemari inac ebe, "Onac Branham biai apedori eong alimun icebore?"-Ekewa.] Abeit cut ipedori ijo, Inac. [Kogeuni inac einer. Aiboisit naemamei ibore katepu.] Inac Nash, ejok ngin noi. Oo, korai bon ijo kopedori:

Arai kimunokin oni komam ibunonokin, abeit cut kilemuni Ngesi ijo kinga;  
 Koyanga alangirukon neejai Ejakait kosodi ajalakin kangina.  
 Kojalak kangina, kojalak kangina,  
 Koyanga alangirukon neejai Ejakait kosodi ajalakin kangina;  
 Arai kimunokin oni komam ibunonokin, abeit cut kilemuni Ngesi ijo kinga;  
 Koyanga alangirukon neejai Ejakait kosodi ajalakin kangina.

99 Biai mam yesi iminasi ikososio ngul lumojong? Oo, eong...Eyuunit eong ebe alemunenete itunga ngul ikalamun ido engarenikinit Emoyo Lokalaunan aisiom ngun.

Kwape nat amuduk Fanny Crosby neapotu itunga ngul luka akwapin kotamitotor ainakin nges aiwadik ikososio luka akwapin, ebalas ebe, "Inyobo, ibuni ijo araun aberu naibarit.

Abu kotema atiar, "Etitingikit eong akaijar neejai Kristo, ka atalantaka kere." Amudukana ngesi, ijeni ijo. Ebalas, "Ainakinit eong-eong akaijar ido kere neejai Kristo." Ebalas ebe...

Kosodete kesi aisub bala enyunyurikinos neejai ngesi naarai abu ngesi konger eipone arereng kwape kangin. Mam nges abu kogwela akepedor naka aurio bala kwape kobu ejakait Presley ka ngul kiswamata, konye abu ngin-ngin kidar akeyongio. Aso ngin-ngin...Apotu-apotu kojalakisi ngin, ebalas, "Aso kidolo ijo toma Akuj, arai tope ejai aiboisit kwape kangin," ebalas, "Arai ijai ijo kwape kijaar kane, ibuni ijo araut amuduk." Ebalas, "Dobodo arai imudukana ijo, ebalas, biai bodo ijenuna ijo Nges?"

Ebalas ngesi ebe, "Ajenuni eong Nges. Ajenuni eong Nges."

Ebalas, "Dobodo arai imudukana ijo? Dobodo arai imudukana ijo?"

Ebalas ngin ebe, "Atirori eong aroma nuka isumaalin." Kosodi ngin aibelokin, kogeuni aibong alosit kau, kosodi atemar atiar:

Ajenuni eong Nges, ajenuni eong Nges,  
 Ido kalakunitete abuni aibwo kosiepiKe;  
 Ajenuni eong Nges, ajenuni eong Nges  
 Kede aroma nuka isumaalin kotoma akaniniKe.

100 Wu Yesuka, kede ajimis ngun akany nuketiai, eyiete kanukang kangina, eipone ali angerio eong Ngol loketiai? Ejok eong atwana, ejok eong alot e...Ejok eong anyou awai kaneejai idiobore, konye mam iinakini eong ainger ngol loketiai Loeyii kangina loabu kotwana kanukang. Eebo.

Ido kwape kinyounio ijo atibong na, ekoto ijo: Kouparos Ka Ekiror Loka Yesu. Eebo, inac. Anyoutu aibwo kwana, kere nepepe.

...kede Ekiror loka Yesu kajo  
 Ikoku yenika aiturur ka ican:  
 Einakini ijo aiyalama ka ainapakin,  
 Kouparos kangol neilosu ijo kere.  
 Ekiror loketiai (Ekiror loketiai), Oo eipone loejijimar! (Oo eipone loejijimar)  
 Amun naka kwap ka aiyalama naka Akuj;  
 Ekiror loketiai (Ekiror loketiai), Oo eipone loejijimar!  
 Amun naka akwap ka aiyalama naka Akuj.

Kwana kwape kitulurwo akwesiwok, kasodete awoere mot:

Akukokin Kokiror loka Yesu,  
 Aibirokin kwap Akejeneke  
 Ibuni aitanap Nges aboko kwape Ekabaka loka ikabakan,

Kengetakin esapaali.  
Ekiror loketiai, Oo eipone loejijimar!  
Amun naka kwap ka aiyalama naka Akuj;  
Ekiror loketiai, Oo eipone loejijimar! (Eipone loejijimar!)  
Amun naka akwap ka aiyalama naka Akuj.



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7